

Jesaia

Lau sê buku tonec ñaê kêpi propete kapôên Jesaia, tañ gêmôa nom gêdên jala 800 ma 700 ñasawa gêmun Kilisi gêmên nom nañ. En gêjam kôm anga Jerusalem. Lau tokauc, tañ sêkip Bibolo ñam sa nañ, nêñ ñalêlôm kêpi tagen gebe buku ñabin ñagêdô ñam kêsêp Jesaia tau, mago bin ñagêdô ñam kêsêp lau teñ, tañ sêmoa nom tédaguc Jesaia nañ. Êsêac sêjam kauc lau tendoc sêwê kain buku ñabin sêwiñ propete, mago bin tonec gêc awê gebe lau sêkaton papia ñagêdô sa kêtú Jesaianê buku. Bin tañ kêsêp papia tau nañ, gêjac miñ gamên Judaña ñamiñ, tañ kêsá gêdên ñasawa ec baliñ amboac jala 200.

Môkêlatu 1-39 Môkêlatu tonec gêjac miñ gamên Judaña ñagênwapac ñanô teñ. Lau Asuria sebe sejon gamên Judaña. Jesaia gêlic gebe lau Juda nêñ ñacjo ñanô lau Asuria atom, ñacjo ñanô lau tau nêñ sec to tañenpêc gêdên Anôtônê bin ma nêñ sêkên gêwiñ kwalecña. Propete gêjac bin su nê lau to gêjam dôn ñagêdô gwalêkin gebe êkalem lau to nêñ gejobwaga gebe sêsa nêñ lêñ tobin gêdên ma tomêtôc gêdêngeñ. En gêlêñ bin to kêkên puc êsêac gebe êsêac embe sêkên tañen Anôtô atom, go têtáp gênwapac sa ma sênaña. Anôtô oc êmêtôc êsêac ñabin gêjam sêga, mago bin Anôtô ênam mec lau-sêsap-en-tônwaga kêsêp môkêlatu tonec gêwiñ. Jesaia amboac tonanjen kêsôm kêtú têm wamaña teñ, tañ oc ênêc nom nañ, ma Dawidnê wakuc teñ oc êmên tañ êtu kin ñanô tau nañ.

Môkêlatu 40–55 Lau teto môkêlatu tonec gêdêñ tañ lau Juda taêsam sêngôn kapoacwalô anga Babel nañ. Nêñ ñacjo sejon êsêac e sêkêñ maten ñanô tenj kêtiam atom. Propete kêsôm jaen ñajam lasê gebe Têlagenj oc Anôtô êngamboac nê lau su anga kapoacwalô ma êwê êsêac sêmu sêna nêñ malacmôkê Jerusalem êtiam gebe sênac m nêñ lêñ wakuc tenj. Binj towae gêjam sêga gêc môkêlatu tonec gebe Anôtô kêtü lau-m samob nêñ lêñ natau. Ma binj tenj, tañ Anôtô taê gêjam kêpi nê lau nañ, tonec gebe enj êsakinj êsêac sêndêñ lau-m nomña samob sêna, ma enj ênam mec lau nomña samob êtu Jerusalemña.

Ñasêbu tañ kêsôm gebe “Anôtônê sakinwaga” nañ, têtü ñasêbu towae, tañ lau sêjala kêtü tônj gêc Binjlênsêm Lanğwanja nañ.

Môkêlatu 56–66 Môkêlatu tonec ñabinj kêkanônj lau, tañ sêmu sêja Jerusalem nañ. Êsêacnêñ ñalêlôm ñatutuc, tec propete gêjac êsêac têtac tônj ma kêsôm kêtü tônj gebe Anôtô êngôm nê binj, tañ gêjac mata gêdêñ nê lau nañ, ñanô êsa.

Binj ñagêdô kêkanônj binjgêdêñ to mêtôc gêdêñ ma binj ñagêdô gêlêñ binj lau gebe sêmansañ om to sêkêñ da ma tetenj mec. Ñalô towae tenj gêc 61:1-2. Gêdêñ tañ Apômtau Jesu kêkôc nê kôm sa nañ, enj gêwa nê kalem sa ña ñalô tonañ.

Jesaia geoc binj lasê kêkanônj lau Juda to Jerusalem

¹ Gêñ tañ Amos latu Jesaia gêlic kêkanônj lau Juda to Jerusalem gêdenj têtü, tañ Usia agêc Jotam ma Ahas agêc Hiskia têtü Judanêñ kinj nañ tonec.

² O undambê ôñô, o nom ôkêñ tañam,
gebe Apômtau kêsôm biñ tonec gebe
“Aê galôm to kapôn latuci, mago êsêac sêbuc
dêmôêñ aê.

³ Bulimakao kêjala nê ñatau
ma donki kêjala nê ñataunê sac.
Mago lau Israel sêjala atom,
aêñoc launêñ kauc kêsa atom.”

⁴ Ijoc, amac lau secmêñ,
amac lau totôp kapôêñ, sec ñalatu amac,
ma agôm gêñ sakop-sakop sec.
Êsêac sêwi Apômtau siñ,
êsêac sêmajec Israelnêñ ñac dabuñ,
êsêac sêbuc dêmôêñ eñ.

⁵ Amac abe aê janac amac êtiam êsêp ondoc,
tec asap nêñ lêñ lañgwa tôn ñapañ nec.
Gêmac kêtap môkêmapac samucgeñ sa,
ma ñanipkalop samucgeñ gêmac-gêmac.

⁶ Anğa môkêmdañgam e jakêsêp emtapa amac amoa
toôlim samuc atom,
sêm mala to pipi ma kamocbôm gêjac têc ôlim auc,
ma amac apip ñatêkwi su atom, asabañ atom,
ma akêñ katêkwi gebe êmalôm kamocña atom.

⁷ Nêñ nom kêtú gasañ ma ja geñ nêñ malac su.
Lau jaba têdañgôn nêñ kôm ñanô ma amac mate-
manô alicgeñ.

Nêñ gamêñ kêtú gasañ kêtôm lau jaba sesen su.

⁸ Sion latuo taugen gacgeñ gêmoa
amboac bec jakwa asê kêkô kôm wainña,
amboac bec, tañ sêjam kêkô kôm katimña nañ,

ma amboac malac, tañ ñacjo sêgi auc.

⁹ Lau siñ undambêña nêñ Apômtau embe endec aêacnêñ lau ñapopoc sêmoa atom, oc tatôm lau Sodom ma maleñmê amboac lau Gomora.

Kalem sênam tauñ ôkwiña

¹⁰ Amac gôliñwaga Sodom ña, añô Apômtaunê biñ. Amac lau Gomora, akêñ tañem aêacnêñ Anôtônê biñsu.

¹¹ Apômtau kêsôm gebe
“Amacnêm da gwalêkiñ gebe êmoasiñ aê amboac ondoc.

Aê ôlic ñakam nêm domba kapoac ma bulimakao ñalêsi, tañ akêñ kêtú daja nañ. Aê têtac gêwiñ bulimakao kapoac to domba kapoac me noniñ kapoac ñadec atom.

¹² “Gêdêñ tañ amac mênakô aê lanôcnêm nañ, asa kêjatu amac gebe aka aêñoc malacluñ popoc.

¹³ Akôc da ñaôma andêñ aê amênj êtiam atom.

Nêm da ñadauñ gêôc aê e ñasu sec.

Aê gadec nêm om ajônj gêô lasêña ma sabat to nêm akac sa ñaonda.

Aê gadec nêm biñ alôb-alôb to nêm omsêga samob.

¹⁴ Aê têtac gedec nêm om ajônj gêô lasêña ma noc aniñ moasiñ kapôêñña.

Gêñ tonañ ñai kêsac aê e ôlic ñakam gebe jaôc.

¹⁵ Embe alam lememe êtu atenj mecña, oc jansañ matocanô auc.

Ma embe atenj mec gwalêkiñ, oc Jakêñ tañoc atom,

gebe dec gêjam lememe auc.

¹⁶ “Akwasin taôm e atu selec,
ma ansej sec, tañ agôm nañ su
gebe ênêc aê lanjôcnêm êtiam atom.

¹⁷ Andôñ taôm êtu anjôm gêñ njamña.
Ansom biñ gêdêñ.
Amêtôc êsêac, tañ sêlêsu lau nañ.
Akwa mosêbu ma anam êsêac sa,
ma apuc awêtucnêñ biñ tôñ.”

¹⁸ Apômtau kêsôm gebe

“Ajôc, amêñmañ, tamansañ biñ dawin taun acgom.
Embe nême sec êtuñ gamêñ amboac dêlêcola,
oc jalic êtôm tao kwalam.

Ma embe amboac obo asôsamuc,
oc janjôm êtu sêpôma amboac gwêcôpic.

¹⁹ Embe akêñ êwin ma akêñ tañem aêñoc biñ,
oc anin moasin nom tonecña êtiam.

²⁰ Mago embe tañempêc ma ambuc dêmôêm aê,
sin oc enseñ amac su.

Biñ tonañ kêsa Apômtau tau awa.”

Anôtô êmêtôc Sion ma ênam Sion kêsi

²¹ Ojae, gêmungeñ malac tau kêsap Apômtau tôñ,
mago galoc kêtû awê mockainjo sec sugac.

Gêmungeñ biñ gêdêñ gêngôñ tonec
ma biñ mansañ gêjam malac tau auc,
ma galoc lausin geñgeñ sêngôñ.

²² Nême silber kêtû matê
ma sêgaluñ bu gêwin nême wain.

²³ Nême kasêga sêbuc dêmôêm aê
ma sêngôñ sêwin geñgentêna.

Êsêac têtac gêwin biñ kana-kana

ma taêḅ kêka gebe lau sêkêḅ gêḅ ḅaômagenḅ êndêḅ
êšêac.

Êšêac sêkwa mosêbu ma sêjam êšêac sa atom
ma sêḅô awêtucnêḅ biḅ atom.

24 Amboac tonanḅ tec Apômtau, lausiḅ undambêḅḅa
nêḅ Apômtau

ma Israelnêḅ laimôkê kêsôm gebe

“Aê, aê oc jakêc ḅoc têtac ḅandanḅ êḅi ḅoc ḅacjo
ma jakêḅ ḅagêjô êḅi ḅoc soḅo-soḅo.

25 Aê oc jaja lemoc ôkwi ma janac aôm

to jakêḅ ja êniḅ nêḅ ḅatêmui su ênaḅa

ma japac gêḅ jaba, taḅ kêgaluḅ gêḅ ḅanô nanḅ, su
ênaḅa.

26 Go jakêḅ gôliḅwaga êtôm gêḅmuḅḅa

ma kwalam laḅḅwaga têtḅ nêḅ lau seḅeḅ êtiam êtôm
gêḅmuḅḅa.

Tonanḅ su acgom, go lau samob oc sêsam aôm gebe
Malac-biḅ-gêdêḅḅa

ma Malac, taḅ kêsap Anôtô tôḅ nanḅ.”

27 Mêtôc gêdêḅ oc ênam Sion kêsî

ma biḅ gêdêḅ oc êpuc lau Sionḅa, taḅ sêjam taḅḅ
ôkwi nanḅ tôḅ.

28 Mago lau-sêbuc-dêḅmôêḅwaga to lau sec oc sensiḅ
êšêac su sêwiḅ taḅḅeḅ,

ma êšêac, taḅ sêwi Apômtau siḅ nanḅ, oc sênaḅa.

29 Amac oc majem êsa êtu kamem, taḅ atoc sa
nanḅa,

ma laḅôḅanô êḅbêlê êtu nêḅ kôm ḅaolaḅa, taḅ
ajaliḅ sa nanḅa.

30 Amac oc atôm kamem, nanḅ ḅalaḅḅ kêsêlô

ma atôm kôm teḅ, taḅ ḅabumata kêpa nanḅ.

31 Nactêkwa oc êtôm dawen
 ma êné kolen oc êtôm ja ñamôsi
 ma ja oc êniñ lulugen êwiñ tau
 ma ñac ten oc êsi êndu atom. * ñaolaña kêtú nêñ
 gamêñ sêjam sakin anôtôi jabaña. Tec lau
 Israel sêsô mêtê jaba ton

2

*Apômtau ênam gôliñ nom ñagamêñ samob towa-
 magen*

¹ Biñ tañ Amosnê latu Jesaia gêlic kêkanônñ lau
 Juda to Jerusalem nanñ tonec.

² Êndênñ têm ñam u ña tau gên tonec oc êsa
 gebe Apômtaunê lôm ñalôc oc êkô amboac lôc,
 tañ ñatêpôê kelen gamêñ su nanñ,
 ma oc êpi kacgen êlêlêc lôc samob su ñêngeñ.
 Ma tenterlatui samob oc sêkac sa anña tônêgeñ.

³ Ma lau taêsam sêpi sêna ma sêôc taunñ gebe
 “Ajôc, tapi Apômtaunê lôc tawac
 ma tasô Jakobnê Anôtônê andu ñalêlôm tana,
 gebe êndônñ nê mêtê êndênñ aêac e tasa êné lênñ tônê.
 Gebe ñagôliñ oc êsa anña Sion, ma Apômtaunê biñ
 êsa anña Jerusalem.”

⁴ Enñ oc êmêtôc tenterlatuinênñ biñ
 ma êmansañ lau gwalêkinñ nênñ lênñ.
 Ma êsêac oc sênam nênñ tubac ôkwi êtu sakwen
 ma nênñ kêmm êtu lêngêc.
 Lau tonñ tenñ oc sêôc sinñ sa êndênñ lau tonñ tenñ êtiam
 atom
 ma sêndônñ mêtê sinña êtiam atom.

* **1:31:** Lau Kanaan tetoc kamem sa kêtú nêñ anôtô jaba ma kôm

⁵ O gôlôac Jakobña, amêñ,
mêñtasêlêñ tamoa Apômtaunê ñawê ñalêlôm.

2:6–4:6 Anôtô oc êmêtôc lau-tetoc-taun-sawaga to
lau sec, mago gêjac mata gebe êmbun lau ñapopoc
nêñ sec su to êñgôm êsêac têtú wakuc.

5

Bingôliñ kêpi kôm wainña

¹ Aê gabe janam wê tenj êtu ñoc ñacña,
janam wê êpi ênê kôm wainña.

Ñoc ñac kêsap nê kôm wainña tenj
gêsac lôc tonom ñalêsi ñajam ñaô.

² Enj kêkac nom ôkwi ñapep ma kêjaliñ poc samob sa
ma kêpuc wain ñawalô ñajam kêsêp.

Enj kêkwê andu ñaatêkwa baliñ kêtú sejop kôm
taunja

ma kêsap sêpip wain ñamala tenj gêc gêwiñ.

Go taê kêka gebe nê kôm ênam ñanô ñajam,

mago gêjam ñanô sec ñaômagenj.

³ “O amac lau Jerusalemña to amac Judawaga,
galoc jatenj amac gebe amêtôc aêagêc ñoc kôm
wainña ma binj acgom.

⁴ Aê janam kôm ondoc, tanj gajam atom nanj, êwiñ
êpi ñoc kôm wainña.

Aê taêc kêka gebe ênam ñanô ñajam, mago gêjam
ñanô sec ñaômagenj kêtú asagenja.

⁵ “Ma galoc aê jasôm gêñ,

tanj gabe janjom êndêñ ñoc kôm wainña nanj, lasê
êndêñ amac añô.

Aê gabe jansenj ñatunj su, gebe bôc sêniñ su

ma jatuc natunbôm ênsêlô, gebe bôc sêka gamêñ tau popoc.

⁶ Aê oc jakêñ kôm tau êtu gamêñ gasan ma janac ñasêli su to jasap nom êtiam atom e wançanic to gêñ têkwa-têkwa êôc auc ma jajatu tao ñamajan gebe êkêñ kom ênac êsêp ñoc kôm atom.”

⁷ Lau Israel têtú lausiñ undambêña nêñ Apômtau nê kôm wainña,

Ma Judawaga têtú wain ñawê, tañ kêjaliñ sa nañ. Eñ taê kêka mêtôc gêdêñ, mago gêlic sêkêc dec siñ. Eñ taê kêka biñ gêdêñ, mago kêtap tañjioa sa.

5:8-30 Biñ ojae kêpi lau sec tokaiñ-tokaiñ kêsêp môkêlatu tonec. * lau tau têtáñ lasê kêtú mêtôc geo to ñandañ, tañ kêtap êsêac sa nañña.

6

Anôtô geoc tau lasê ma kêkalem Jesaia

¹ Gêdêñ jala, tañ kiñ Usia gêmác êndu nañ, aê galic Apômtau tau gêngônñ lêpônñ kiñña teñ ñaô lólôcgeñ, ma nê ñakwê baliñ kêsêp e kêjalec lôm dabuñ ñalêlôm auc. ² Anjela Serapim sêkô Apômtau ñaô. Êsêac samob nêñ magê 6-6 kêtôm êsêacgeñ. Êsêac sêkwa lañôñanô auc ña magê luagêc ma sêkwa enkaiñ auc ña magê luagêc ma sêlôp ña magê luagêc. ³ Ma anjela teñ gêmôêc biñ gêdêñ teñ ma sêmôêc gelom-gelom gêja gebe “Lausiñ undambêña nêñ Apômtau enñ dabuñ, dabuñ, dabuñ.

* **5:7:** Tañjioa ñam gebe mêtôcwaga sêmêlôc lau kesogeñ, tec

Ênê ηawasi gêjam nom samucgeη auc e gêdêη ηamadinj.”

4 Ma ηaôndu, taη kêsa aηela teη awasuη naη, kêwiwic andu ηataoη e jadauη kêkôm lôm ηalêlôm auc.

5 Go kasôm gebe “Ijoc, aêma oc janaηa, gebe aê ηac togêdôcôlic ηatêmui ma gamoa gawiη lau-gêdôηôlic-ηatêmuiwaga, mago matocanô galic Kiη, lausiη undambêηa nêη Apômtau.”

6 Go Serapimnêη teη kêgandouη jalana teη sa aηga altar ma kêkôc kêsêp lêma, go gêlôb gêdêη aê gêmêη

7 mênkêmoasac aê aocsuη ma kêsôm gebe “Gôlicgac me, aê kamoasac gêdômôlic, tec gesêη nêη tôp su

ma kêsuc nêη sec ôkwi.” 8 Go gaηô Apômtau awa kêsôm gebe “Aê oc jasakiη asa êna ma asa oc naêtu aêacma ηacjaeη.” Go aê kasôm gebe “Aê tec gamoa, ôsakiη aê.” 9 Ma eη kêsôm gebe “Naôsôm êndêη lau tône gebe

‘Aηô biη amboac aηô, mago aηô êtu tône atom.

Alic gêη amboac alic, mago ajala atom.’

10 Ôηgôm lau tonaeη nêη ηalêlôm ηadani êsa

to taηeηsuη êôc auc

ma materη êmôp,

gebe moae sêlic gêη ηa materηanô

ma sêηô biη ηa taηeηsuη

to sêjala biη ênêc nêη ηalêlôm e sênam tauη ôkwi ma ôliη ηajam êsa.”

11 Tec katu kênac gebe

“O Apômtau, aê jasôm lasê e êndêη ondocgeη.”

Ma eη gêjô aê aoc gebe

“Ôsôm e êndêη taη malac samob êtu gasaη

ma ηamalac maleηmê

ma andu samob êtu tuc
ma gamêj e ñagêlêj nañ.

¹² Ma Apômtau oc êtiñ lau nasêngôn gamêj
jaêcsêga,

ma malac gasañ taêsam ênêc gamêj tonec ñalêlôm.

¹³ Ma embe lau 10-10 nêj tagen-tagen gacgen
sêmoa,

oc senseñ êsêac êtiam amboac sêsap kamem me
kalelon

e ñakatuc gacgen êkô.”

Ñakatuc tau tonañ ñawê dabunñ tau.

7

Jesaianê wae ñamataña gêdêj kin Ahas

¹ Gêdêj têm, tañ Usia latu Jotam nê latu Ahas kêtü kin Judaña nañ, kin Resin anğa Suria agêc Remalianê latu Peka, tañ kêtü kin Israelña nañ, sêpi Jerusalem sêja sebe sênac sin êndêj malac tau, mago sêku tulu atom. ² Gêdêj tañ sêkêj ñawae gêdêj kin Dawid nê wakuc gebe “Suria to Epraim sêmoatiñ poac gêdêj taunñ” nañ, en to nê lau nêj ñalêlôm kêtênêp ñasec amboac mu kêwiwic ka saleñña.

³ Go Apômtau kêsôm gêdêj Jesaia gebe “Amagêc latôm Sear-Jasub asa naandac Ahas anğa busawa, tañ kêsa anğa bugêjactonñ ñaõña nañ ñaawa, nañ gêc lau-sêkwasiñ-obowaga nêj kôm ñaintêna, ⁴ ma ôsôm êndêj en gebe ‘Ojop taôm ñapep ma ôpuc taôm tôj. Ôtêc taôm atom ma nêj ñalêlôm ñatutuc êtu Resin anğa Suria agêc Remalianê latu nêj têtac ñandañña atom. Êsêagêc têtôm jakalic luagêc, tañ

ja gêôc e kêtû jec nanj. ⁵ Suria agêc Epraim ma Remalianê latu sêmasanj biñ gêdêñ tauñ sebe sêngôm aôm sec, ma sêsôm gebe ⁶ “Ajôc, tapi Juda tana ma tatakê êsêac ñamelocñagenj ma taku êsêac tulu e sêwi gamêñ tau siñ êndêñ aêac, ma takêñ Tabelnê latu êtu kiñ anja tônê.” ’ ” ⁷ Apômtau Anôtô kêsôm biñ tonec gebe

“Biñ tonanj oc êtu tôñ atom ma ñanô êsa atom,

⁸ gebe Damasku kêtû Suria ñamôkê ma Resin kêtû Damaskunê ñatau.

Jala 65 ênaña acgom, go sênac Epraim popoc e sêmoa amboac lau-m tagenj êtiam atom.

⁹ Samaria kêtû Epraim ñamôkê

ma Remalianê latu kêtû Samaritanê ñatau.

Amac embe akêñ êwiñ atom, nanj oc akô ñajana atom amboac tonanjenj.”

Jesaia geoc Imanuelnê biñ lasê

¹⁰ Ma Apômtau kêsôm gêdêñ Ahas kêtiam gebe ¹¹ “Otenj gêñtalô tenj anja Apômtau, aômñêm Anôtô nê. Gêñtalô tau êpi anja lamboam me êsêp anja lôlôc.” ¹² Tagenj Ahas gêjô nê biñ gebe “Aê oc jatenj atom, ma oc jansaê Apômtau atom.” ¹³ Tec Apômtau kasôm gebe “O gôlôac Dawid, akêñ tanjem aêñoc biñ. Amac alênsônñ ñamalac, nec alic kêtôm atom, tec abe alênsônñ aêñoc Anôtô êwiñ nec. ¹⁴ Amboac tonanj Apômtau tau oc êkêñ gêñtalô tenj êndêñ amac amboac tonec gebe Awêtakiñ tenj oc taê e êkôc latu tenj ma ê ênê ñaê gebe Imanuel. ¹⁵ Êndêñ tanj êjala lêñ êtiñ sec su to êjaliñ ñajam saña nanj, enj êniñ su gêjac anô to lêpgeñ. ¹⁶ Ñapalê tau êjala lêñ êtiñ sec su to êjaliñ ñajam saña atomgenj, ma kiñ luagêc, tanj sêgôm aôm taêm dani taôm nanj, nêñ gamêñ oc êtu

gasañ. ¹⁷ Apômtau oc êkêñ têm kainj tenj êpi aôm to nêmau ma tamamnê gôlôac. Gêdêñ tanj Epraim sêkac taun su anja Juda e mênghêdêñ galoc nan, têm amboac tonanj kêtap amac sa atom. Anôtô êkêñ kinj Asuriaña êkôniñ aôm.”

¹⁸ Êndêñ bêc ônê Apômtau oc êmôêc kawan anja bu Aiguptuña ñamôkê to banic anja gamêñ Asuriaña ¹⁹ mênghêdêñ têt nêmau gamêñ ñasalic to pocsawa auc ma sênam wanjanic to ñagamêñ walewale auc amboac tonanjen.

²⁰ Êndêñ bêc ônê Apômtau oc êkôc kinj Asuriaña anja bu ñamakenj ônêña mênghêtu kekec bôjan ma êkaliñ môkêmlauñ to ôlimlu ma nêmau êmaña amboac tonanjen.

²¹ Êndêñ bêc ônê ñac tenj oc enjen bulimakao tagen ma domba luagêcgen. ²² Ma bulimakao to domba sêkêñ su kapôên e êtôm gebe lau ñapopoc, tanj gacgen sênghêñ gamêñ tau nan, sênin su gêjac anô to lêpjen.

²³ Êndêñ bêc ônê wanjanic to gêñ têtwa-têtwa oc êc gamêñ samob, tanj sêsê wain 1,000 kêsêp, tanj ñaôli mone silber 1,000 nan auc. ²⁴ Wanjanic to gêñ têtwa-têtwa oc êc gamêñ tau auc samucgen, tec lau embe sêsa gamêñ tau, oc sêsêlêñ totalam ma sôbgen. ²⁵ Ma amac oc api gamêñ ñabau, tanj gêmunjen asap ña kinom nan, ana atom, êtu atêc wanjanic to gêñ têtwa-têtwaña, ma gamêñ ñabau tau oc êtu bulimakao sêsêlêñ ñamala ma domba oc sêka popoc. * †

* **7:25:** Sear-Jasub ñam gebe ñapopoc oc sêmau sêmên. † **7:25:** Imanuel ñam gebe Anôtô mênghêwinj aêc.

8

Propete latu nê ñae

¹ Go Apômtau kêsôm gêdêñ aê gebe “Ôkôc poc tapa kapôêñ ten ma oto êsêp êtôm tañ teto sêmoa nañ gebe ‘Maher-salal-has-bas.’” ² Ma kakôc dabuñwaga Uria agêc Jeberekia nê latu Sakaria mênşewiñ gebe sêlic biñ tau sêwiñ. ³ Gêdêñ tonañ aê gadêñ propeteo gaja ma eñ taê e kêkôc latu ten. Tec Anôtô kêsôm gêdêñ aê gebe “Wê ênê ñaê gebe Maher-salal-has-bas, ⁴ gebe ñapalê tau êsôm Mamac me Nenec atomgen, ma kiñ Asuriaña oc êjañgo Damaskunêñ gêlôñ to Samarianêñ awamata su aña êsêacnêñ.”

⁵ Apômtau kêsôm gêdêñ aê kêtiam gebe
⁶ “Lau tonec sedec bu Siloa,
 tañ keselen ñañêñ langwageñ nañ,
 ma têtêc tañ kêtú Resin agêc Remalianê latuña
 e têtú tonañña Apômtau gêgôm bu ⁷ Kêtú tonañña

Apômtau gêgôm bu gêc kapôêñ
 ma keselen toñaclaigen,
 ma oc êsuñ e ênam ñasêli auc
 to ênsalê ñatali auc.

Kiñ Asuriaña to nê ñawasi kêtôm bu tau tonañ.

⁸ O Imanuel, bu tau oc êc êsa Juda
 e ênsalê gamêñ tau auc ma êsuñ ênam aucgen êpi e
 êndêñ nêñ koclabeñ,

ma bu ñamagê oc ênam nêñ gamêñ aucgen êna.”

⁹ O lau tomôkê-tomôkê, ajala biñ tau ma atakêmañ.
 O amac lau gamêñ jaêcñaac, akêñ tañemman.
 Añgambam taôm ma atakêmañ.
 Añgambam taôm ma atakêmañ.

¹⁰ Amansañ biñ awiñ taôm,

mago ñanô masi.
 Anam biñgalôm awiñ taôm,
 mago biñ tau êtu tôñ atom, gebe Anôtô mêngêwiñ
 aêac.

Atêc Apômtau taugen

¹¹ Apômtaunê lêma ñajaña kêkôc aê tôñ ma eñ
 gêjac biñsu aê, gebe jasa lau tonec nêñ lêñ atom,
 ma kêsôm gebe ¹² “Biñ samob, tañ lau tonec sêsam
 gebe poac sêkic biñña nañ, asam gebe poac sêkic
 biñña atom, ma gêñ, tañ êsêac têtêc nañ, amac atêc
 atom ma atakê atom. ¹³ Atoc lausiñ undambêña
 nêñ Apômtau taugen sa, gebe eñ ñac dabuñ. Atêc
 eñ taugen ma atakê êtu eñ taugenña. ¹⁴ Gebe eñ oc
 êtu gamêñ dabuñ lau sê lamuña tenj êndêñ Israel
 nêñ toñ lulugen, mago êtu poc sêndiñ enkañña
 to poctêna têntac êmbôli aucña ma êtu sa to lakô
 êndêñ lau Jerusalem amboac tonanjen. ¹⁵ Êsêacnêñ
 taêsam oc sêndiñ enkañ êpi poc tau ma sênac tauñ
 êndu e ôliñ popoc ma lakô tau oc ênac êsêac e ênsô
 êsêac tôñ.”

¹⁶ Jakic ñoc biñ gaoc lasêña tôñ
 ma japac biñ, tañ kadôñ nañ, ña penj ñajaña êsa
 ênêc ñoc ñacsenjominêñ ñalêlôm.

¹⁷ Aê oc jansaê Apômtau, tañ kêsiniñ lanjôanô gêdêñ
 gôlôac Jakob nañ,
 ma jakêñ matoc enjen.

¹⁸ Alicgac me, lau siñ undambêña nêñ Apômtau,
 nañ gêngôn lôc Sion nañ,
 kêkêñ aê to ñoc ñapalê, tañ Apômtau kêkêñ gêdêñ aê
 nañ,
 atu gêñtalô to puc gêdêñ lau Israel.

19 Lau embe sêsôm êndêḡ amac gebe
 “Awem ênac lau toḡalau geoc biḡ lasêḡa
 ma mectomaḡwaga, taḡ sêsôm biḡ kesec-kesec ma
 ole-ole naḡ,”

go asôm gebe “Aêac aweḡ ênac nêḡ Apômtau atom
 ma tateḡ ḡacmatê êtu sênam lau mateḡ jali saḡa
 me.”

20 Êsêac embe sêsôm gebe
 “Dandêḡ biḡ, taḡ kêdôḡ to geoc lasê naḡ tana, nec
 atom,”

oc sêlic gêu bôḡ atom biḡḡanôḡeḡ.

21 Êsêac oc sêlênsa êtôm gamêḡgeḡ
 tonêḡ ḡalêlôm ḡawapac ma mo êjô êsêac.
 Ma embe sêoc tôbôm, oc têtac êmbôli auc
 ma sêpuc boa nêḡ kiḡ to nêḡ Anôtô.

Êsêac oc sêoc mateḡḡanô sa êpi undambê

22 ma mateḡḡanô êsêp nom,
 mago sêlic gêḡwapac to ḡakesecgeḡ
 ma têtêc taḡ ḡawaô êkôm êsêac auc
 ma seo sêmoa gêsuḡbôm ḡalêlôm.

Mago êsêac, taḡ sêmoa totêtêc taḡḡboa naḡ, oc
 sêḡḡôḡ tokesec êtiam atom. Gêmuḡgeḡ eḡ gêbu
 gamêḡ Sebulon to Naptali, mago êtu ḡamu eḡ oc
 êḡḡôm lau samuc nêḡ Galilaia, naḡ gêc bugêjactôḡ
 ḡalêndaḡ aḡga bu Jordan ḡamakeḡ ôḡêḡa naḡ, êtu
 gamêḡ towae. * sêkac waba su sep tagen. †

9

Têna kêkôc biḡmalô ḡatau ma eḡ kêkôc nê ḡôliḡ sa

* **8:22:** Maher-salal-has-bas ḡam gebe Kêḡḡḡowaga têtêbiḡ gebe

† **8:22:** Bu tau bu Euprat, taḡ kêpoac Asurianêḡ gamêḡ naḡ.

¹ Lau tañ sêngôñ gêsunbôm nañ, sêlic ja kapôên teñ.
Ma ñawê kêpô êsêac, tañ sêngôñ gêmac ñagamêñ
kanucña nañ.

² Aôm kôkêñ lau têtú taêsam
ma gôgôm êsêac têtac ñajam gêjam sêga.
Êsêac sêmoa aôm lañômnêmña toôliñ kêpigen
têtôm lau, tañ señ mo lasê nañ,
ma amboac lau, tañ sêjac sam ñacsonêñ awamata.

³ Gebe gêñwapac ñata, tañ gêsac êsêac nañ,
ma tôc magiñmña to nêñ ñac, tañ kêlêsu êsêac nañ,
nê sêm
nañ aôm kôpôñ tulu toc tagen amboac gêdêñ Midian-
annê têm.

⁴ Gebe siñwaganêñ atapa samob
to nêñ ñakwê siñña, tañ dec gi auc nañ,
êsa ja ma êniñ su.

⁵ Gebe awê teñ kêkôc ñapalê teñ kêtú aêacña,
kêkêñ latu teñ gêdêñ aêac gêmêñ.
Ñagôliñ gêsac eñ magim ma sêsam eñ gebe
“Mêtêñam, Laimôkê, Teñgenñam, Biñmalôtau.”

⁶ Ênê gôliñ oc ênam sêga,
ma biñmalô oc ênêc teñgen
anğa Dawidné lêpôñ to nê gamêñ kiñña.
Gebe eñ oc ênac m ñagôliñ tau to êpuc tôn
ña mêtôc gêdêñ to biñ gêdêñ
êndêñ galoc ma enden tôngeñ.
Lausiñ undambêña nêñ Apômtau nê ñalêlôm kêkac
eñ,
tec êngôm biñ tonañ êtu tôn.

9:7–10:34 Anôtô kêmêtôc gamêñ Israelña kêtú
puc gêden gamêñ Judaña. Mago lau Asuria, tañ
têtú Anôtônê waba mêtôcña gebe êmêtôc nê lau sec

nañ, têtap gêñwapac sa e sênaña amboac tonanğen.
*

11

Isainê wakuc ênam gôliñ lau naêndên

¹ Nasêli tenj êlêc anğa ñakatuc Isai
ma ñawakac tenj êlêc sa.

² Ma Apômtaunê Nalau oc êsêp mênğensac enj ñaô.

Enj Nalau kauc mêtêña to tajala gêñña.

Enj Nalau êwa binj saña to Nalau ñaclainja.

Enj Nalau takip binj ñam saña to tatêc Apômtaunja.

³ Enj oc êtêc Apômtau êtu ênê têtac ñajam ñam.

Enj oc êmêtôc binj êpi gêñ, tañ mataanô gêlic nañ
atom

ma êkênj êwiñ binj, tañ tañasunj gêñô nañ, paliñ-
paliñgenj atom.

⁴ Enj oc êmêtôc lau ñasec nêñ binj êndênğenj

ma êmansañ lau wapac nêñ binj solopğenj.

Enj oc ênac wauc-wauctêna ña sêm awasunja

ma nê awajaô oc ensenj lau alôb-alôb su.

⁵ Enj ênac binj gêdênj êtu nê obo ênêc dambê palê

ma binj ñañênj êtu nê ômbiñkap.

⁶ Kêam salenja to domba ñalatu oc sêmoa sêwiñ
taun

ma pusip salenja to noniñ ñalatu oc sênêc sêwiñ
taun.

Bulimakao ñalatu to lewe oc sêniñ genj sêwiñ taun

ma ñapalê saun tenj oc êwê êsêac.

⁷ Bulimakao to iwa oc sê sêlêb êndênj taun

ma nêñ ñalatu oc sênêc napan-ñapan taun,

* **9:6:** Nalô êsêac kêkanônğ lau Juda to Jerusalem.

ma lewe oc êniñ gêgwanj êtôm bulimakao.

⁸ Njapalê dedec oc êtu dôa-dôa êngônj moacwêmnê
gêsunj njô

ma njapalê saunj oc êkêñj lêma êsô moacmôsinê ic êna.

⁹ Lau oc sêngôm tauñ sec to sêlênsu tauñ anja aêñjoc
lôc dabunj atom,

gebe lau sêjala Apômtau kêtû tônj kêtôm gamêngenj
amboac dembom gêjam gwêc samucgenj auc.

¹⁰ Êndênj bêc ônê Isainê njawakac oc êtu njabelo tenj
êkô

ma lau samob sêlic

ma tentenjatlu samob sensom to têtû kênac enj

ma ênê malac êtu gamênj towae.

**11:11-16 Anôtô gêjac mata gebe ejonj nê lau
njapopoc sa anja nom njagamênj samob.**

12

Wê tanam dangenja

¹ Êndênj bêc tônê aôm oc ôsôm gebe

“O Apômtau, aê gabe janam dange êndênj aôm

gebe têtmtac njandanj gêdênj aê,

mago gôjam têtmtac njandanj tau ôkwi

ma gôjac aê têtac tônj.

² “Alicgac me, Anôtô kêtû njoc moasinj njamôkê,

tec gamoa taêc kêpa sugenj ma katêc tauc atom,

gebe Apômtau Anôtô enj kêtû njoc njac lai to njoc wê
lambinja

ma kêtû njoc kêsiwaga.”

³ Amac oc atê bu anja bumata dangônj matenj
jalinja totêtmtac njajamgenj. ⁴ Ma êndênj bêc tônê amac
oc asôm gebe

“Anam danje êndênj Apômtau, awem ênac ênê njaê. Asôm ênê gênsêga njawae êtu tapa anja lau samuc nêj.

Asôm lasê gebe ênê njaê towae.

⁵ Anam wê lanemnja êndênj Apômtau gebe gêgôm gênsêga tojyclai.

Naasôm njawae ênam nom njagamênj samob auc.

⁶ O amac lau Sionja, anam lasê ma anam wê toôndugenj gebe Israel nêj njac Dabunj enj kapôênj ma gêmoa amac njalêlôm.”

13:1–27:13 Anôtô oc êmêtôc lau jaba to-m-to-m, tanj sêngônj sêsi gamênj Israel to Judanja nanj, njawae kêsêp môkêlatu tonec. Mago pesalem lambinja to Anôtônê lau sêoc gêjwapac e Anôtô ênam êsêac kêsî njawae kêsêp njasawa tonec gêwinj.

28

Puc gêdênj Epraim

¹ Ojae lau Epraim. Êsêacnênj waenj gê su amboac sunsunj njolaña nêj kasêga, tanj wain kêjaninj nanj sêkuc. Êsêac tenjbelenj anjenj, mago wain kêku êsêac tulu. ² Alicgac me, Apômtaunê njactêkwa njanja tenj gêmoa. Enj oc mênjêô lasê amboac kompoc to gamênj kêlanjanj sec to amboac bu njasamac kapôênj. Enj oc êku gamênj tulu tojyclai kapôênj. ³ Ma njacjo oc sêka lau Epraim nêj gôlinjwaga, tanj wain kêjaninj êsêac nanj, nêj sunsunj towae popoc. ⁴ Ma gôlinjwaga, tanj tetoc taunj sa nanj, nêj njawasi oc ê su e malamê amboac jambô njalêwê njamatanja, nanj lau sêlic ma njagaôgenj têtinj su ma senj nanj.

⁵ Êndênj bêc ônê lausij undambêña nêj Apômtau oc êtu sunsunj ñawasiña to nanenjen ñajam êndênj nê lau ñapopoc. ⁶ Ma enj oc êtu ñac-kêmêtôc-bijwaga nê ñalau mêtôc gêdêñña ma êtu êsêac, tanj sêpuc sec ñacjo anja malac tau ñasacgêdô nanj, nêj ñaclai ñamôkê.

Apômtau gelej bij to gêjac mata bij kêpi Jerusalem

⁷ Wain kêjanij dabunwaga to propete amboac tonanjen ma bu ñajana gêgôm êsêac sêku-sêku. Lau tau sênôm bu ñajana e kêjanij êsêac. Wain kêlênsônj êsêac ma bu ñajana gêgôm êsêac sêku-sêku. Êsêac embe seoc bij lasê, go sêkô wiwicgenj ma embe sêmêtôc bij, go sêkô kôjô-kôjôgenj. ⁸ Êsêac sêluc e ñasu gêjam nêj tebo auc ma gamênj ñajam tenj gêc atom.

⁹ “Enj oc êndônj kauc tajala bijña êndênj asa ma êwa jaenj ñabij sa êndênj asa. Êndênj ñapalê ñasec-ñasec, tanj gocgo sêwi tenenjinênj su sij nanj me. ¹⁰ Enj kêdônj biñsu tenj ma biñsu tenj, biñsu tenj ma biñsu tenj, ñagôlinj tenj ma ñagôlinj tenj, ñagôlinj tenj ma ñagôlinj tenj, kêdônj ñagec anja tonec ma ñagec anja ônê.”

¹¹ Biñjanô, Apômtau oc êsôm bij êndênj lau tonec ña lau samuc awenj ma ña lau jaba nêj bij. ¹² Gêmunjenj enj kêsôm gêdênj êsêac gebe “Alêwanj taôm anja tonec. Akênj lau-têkwenj-gêbacwaga sêlêwanj tauj. Anij awenj anja tonec.” Mago êsêac sêkênj tanjenj atom. ¹³ Kêtu tonanña Apômtau oc êsôm bij tonec êndênj êsêac gebe “Biñsu tenj ma biñsu tenj, biñsu tenj ma biñsu tenj, ñagôlinj tenj ma ñagôlinj tenj, ñagôlinj tenj ma ñagôlinj tenj, êndônj ñagec

anğa tonec ma nğec anğa ônê. Ma êsêac embe sêsêlêñ oc sembenj sêsêp muña e ôlinj popoc ma lakô ênac êsêac to sêkôc êsêac tôñ.”

Alê kêclêsuña kêtú Sionja

¹⁴ Kêtu tonanña amac lau-susuwaga, tañ ajam gôlinj lau Jerusalemja tonec nan, akêñ tañem Apômtau awa. ¹⁵ Amac asôm gebe “Aêac tamoatinj poac dawinj gêmacanô ma tamasanj binj dawinj lamboam gebe êndêñ têm nğawapac sec mênêsaña oc êtap aêac sa atom, gebe binj dansanj kêtú aêacnêñ gamêñ tasinj taunña.” ¹⁶ Kêtu tonanña Apômtau Anôtô kêsôm gebe “Alic acgom, aê kakêñ alêpoc kêkô Sion, poc najaranja tenj, poc mataêjam tenj kêtú alê kêclêsuña ma lau, tañ sêkêñ gêwiñ nan, oc sêc su atom. ¹⁷ Ma aê oc jakêñ mêtôc gêdêñ êtu nğadôn ma binjgêdêñ êtu dôñpoc. Go kompoc oc enseñ nêñ lamu dansanj su ma bu nğasamac êsuñ nêñ gamêñ sêsijn taunña sa.”

¹⁸ Go nêm poac gêdêñ gêmacanô nan, oc sêsap tulu ma nêm binj, tañ amoatinj gêdêñ lamboam nan, oc senseñ su. Gêñwapac nğamata secsêga tonan embe êpi lau êkajagenj oc êjamunj amac popoc êwiñ. ¹⁹ Oc wacêtap amac sa todim-todim êtôm bêc samob, tañ mênêsa nanğoc. Amac oc aôc nğawapac tonanj êmbêc to elenj samobgenj. Ma binj, tañ Anôtô eoc lasê nan, oc êtakê amac nanô-nanô.

28:20–29:24 Anôtô kêkêñ puc nê lau gebe êmêtôc êsêac, mago gêjac mata gebe ênam êsêac kêsi amboac tonanjenj. * okwi jakêpi lau tau kêtiam. † solopgenj.

* **28:19:** Binj susu, tañ Jesaianê nğacjo sêsôm nanj, Apomtau kakac

† **28:19:** Dôn tau sêmasanj nğa gam to poc gebe atoc gêñ

30

Taen êka Aiguptuŋa ŋanô masi

¹ Apômtau kêsôm gebe “Ojae lau, taŋ sêli taun sa gêdêŋ aê naŋ. Êsêac taêŋ gêjam biŋ, taŋ aê kamasan atom naŋ, to sêgôm ŋanô kêsa ma sêmoatiŋ poac keso aêŋoc Ŋalau, tec têtêku sec gêsac sec ŋaô.

² Êsêac dêdi sêsêp Aiguptu sêja, mago têtû kênac aê atom. Êsêac sebe sê lamu Aiguptu, tec taêŋ kêka Paraonê ŋaclai. ³ Ma Paraonê ŋaclai oc ênam amac sa atom to Aiguptu, taŋ aê lamu naŋ, êŋgôm amac majem êsa. Ma lamu, taŋ asom anŋa Aiguptu ŋaajuŋlabu naŋ, oc êmbu amac. ⁴ Biŋŋanô, laumata Aiguptuŋa sêŋgôŋ Soan ma ŋajaenwaga sêô lasê Hanes, ⁵ mago lau Judaŋa majen êsa gebe taêŋ kêka lau, taŋ sênam êsêac sa naeo naŋ. Lau Aiguptuŋa tonan oc sênam amac sa to sêpuc amac tôn atom, oc sênam lau majen êsa to sesen êsêac waen ŋajam su.”

⁶ Anôtônê biŋ kêpi bôc Negebŋa tonec gebe “Laujaen sêsêlêŋ sêsa gamêŋ, taŋ kêtakê to kêlênsôŋ lau naŋ. Lewe ma moacwêŋ ma moactêna kaiŋ ten sêmoa gamêŋ tau. Laujaen tau sêkêŋ nêŋ waba to awamata gêsac donki to kamele ŋaô. Êsêac sebe sêkêŋ gêŋ tau dêdêŋ lau, taŋ têtôm gebe sênam êsêac sa atomanô naŋ. ⁷ Aiguptu ênam êsêac sa naeo to ŋaôma. Tec kasam gamêŋ tau gebe ‘Rahab, taŋ gêŋgôŋ e ŋaŋêŋ lanŋwageŋ.’ ”

Lau taŋenpêcŋa

⁸ Go Anôtô kêsôm gêdêŋ aê gebe “Ôna oto biŋ tonan êpi poctapa êsêac sêlic ma oto êsêp buku ten gebe ênêc enden tônŋen. Gebe lau ŋamuŋa sêsam

e sêjala miņ tau. ⁹ Gebe lau tonañ sêli taun sa gêdêņ Anôtô napaņ. Êsêac biņdansaņ ŋalatui ma sêkêņ taņeņ Apômtaunê ŋagôliņ atom. ¹⁰ Êsêac sêsôm gêdêņ lau-geoc-biņ-lasêwaga gebe ‘Alic gêņ teņ atom.’ Ma gêdêņ propete gebe ‘Aoc biņņanô lasê êndêņ aêac atom. Asôm biņ, taņ aêac abe aņôgeņ naņ lasê. Akêņ aêac akôc ma biņ taêņ gêjamņa tôn. ¹¹ Akêņ ŋasawa ma akô intêna auc atom. Aêac abe aņô Israelnêņ Anôtô Dabuņ nê biņ êtiam atom.’ ”

¹² Mago Israelnêņ Anôtô Dabuņ kêsôm gebe “Amac adec biņ, taņ kasôm gêdêņ amac ma taêm kêka ŋaclai sec to biņdansaņ gebe êtu amacnêm seņeņ. ¹³ Kêtu tonañņa amac awê biņ ŋakaiņ. Amac atôm tunbôm baliņ, taņ kêôpacgeņ naņ. Amac aku sa sep tageņ naguluņ. ¹⁴ Amac popoc amboac kuanô, atôm ku, taņ selo popoc samucgeņ naņ, e ŋasaboac teņ êtôm gebe sêkêņ ja ŋalana êsêp ma sêkati buņa atom.”

¹⁵ Gebe Apômtau Anôtô, Israelnêņ Ŋac Dabuņ kêsôm gebe “Embe anam taôm ôkwi ma akêņ êwiņ aêgeņ, naņ oc janam amac kêsi. Aņgôm ŋaņêņ ma akêņ matem aêgeņ, go nêm ŋaclai êsa.” ¹⁶ Mago amac akêņ taņem atom ma asom gebe “Masi, aêac oc aņgôn hos ma aêc su.” Tec amac oc aêc su biņņanô. Ma asôm gebe “Aêac oc aņgôn hos ma aêc su weņ tageņ.” Tec nêm ŋacjo oc sêjanda amac weņ tageņ amboac tonañgeņ. ¹⁷ Ŋacjo tageņ embe êkôtêņ lêma, go amacnêm lau tausen oc sêc su. Ŋacjo lemeņ teņ embe sêkôtêņ lemeņ ma amac samob aêc su e obokêam ŋajamoa taugen êkô lôc ŋaô êtu ŋabelo teņ. ¹⁸ Mago Apômtau gêôn amac gêmoa

gebe taê walô amac. En gêdi gebe têtac labu amac gebe Apômtau en Anôtô gêdêñ ma lau, tañ sêoñ en nañ, oc têtac ñajam êsa.

30:19-33 Anôtô taê walô nê lau, tañ sêoc gêñwapac to ñandan ma êmêtoc lau Asuria.

31

Anôtô oc êtu lautuc Jerusalem

¹ Ojae êsêac, tañ aê lamu Aiguptu ma taêñ kêka hosgeñ ma sêkêñ mateñ kareta gebe taêsam to siñwaga, tañ sêngôn hos ñaô nañ, gebe êsêac ôliñwalô kêlêlêc. Mago sêkêñ mateñ Israelnêñ Ñac Dabuñ atom ma teteñ Apômtau kêtú ênam êsêac saña atom. ² Mago Anôtô en ñac tokauc. En kêkêñ gêñwapac kêkônin êsêac tôñ. En gêjam nê bin ôkwi atom. En oc êndi naenseñ lau secwaga nêñ gôlôac ma enseñ êsêac, tañ sêjam lau sêgôm secña sa nañ. ³ Lau Aiguptu êsêac ñamalac, êsêac Anôtô atom. Êndêñ tañ Anôtô oc êmêtoc lêma nañ, gêjam-sawaga oc ênac tau êndu ma ñac, tañ en gêjam en sa nañ, oc embeñ ma êsêac samob oc sênaña sêwiñ tañ.

⁴ Apômtau kêsôm bin tonec gêdêñ aê gebe “Lewe têna me lewe ñalatu embe têtap gwada sa, go gejobwaga bôcña nêñ wambañ to ñakicsêa êtôm gebe êtakê êsêac e sêc su nec atom. Ma aê, lausin undambêña nêñ Apômtau amboac tonanjen. Ñaclai teñ oc êkô aê auc atom êtôm tonan. Aê oc jatu lautuc lôc Sion. ⁵ Aê, lausin undambêña nêñ Apômtau, oc jakêñ sêlin Jerusalem -amboac moc kelelo gebe ênam ñalatu kêsí. Aê oc janam malac tau sa to jaku ñacjo tulu.”

⁶ Apômtau kêsôm gebe “O lau Israel, akac taôm ôkwi andêñ aê, tañ ajam dêmôm nan. ⁷ Gebe êndêñ ñasawa teñ amac samob oc ambaliñ nêñ gwam sec, tañ lememe kêmasañ ña silber to gold nan, siñ ênaña. ⁸ Siñ oc enseñ lau Asuriaña su ña ñamalacnêñ ñaclai atom. Lau Asuriaña oc sêc siñ su sêna ma nêñ lau matak têtù gêñôma. ⁹ Êsêacnêñ kiñsêga oc êtênêp tau êndu-êndu ma nêñ laumata siñña têtakê e sêc su ma sêwi nêñ gêbôm siñña siñ.” Apômtau tañ nê ja kêsa Sion ma nê ja ñawao gêc Jerusalem nan, nê biñ tonan.

32

Kiñ biñ gêdêñña

¹ Alic acgom, kiñ teñ oc ênam gôliñ ña biñ gêdêñ ma kasêga sênam gôliñ ña mêtôc gêdêñ.

² Êsêac samobgeñ oc têtôm gamêñ, tañ kepeñ mu auc nan,
ma têtù launêñ lamu gamêñ êlanğanña.

Êsêac têtôm bu kêsa gamêñ ñakelen
ma têtôm poclabu ñaajuñ anga gamêñ sawa.

³ Go êsêac, tañ sêlic nan, matenânô êmôp atom
ma êsêac, tañ sêñô biñ nan, oc sê tañeñ.

⁴ Lau tañ sêsôm biñ beleb-belebgeñ nan, oc
sêmêtôc biñ êndêñgeñ,
ma êsêac, tañ sêsôm biñ kwac-kwac nan, oc sêsôm
biñ ñañêñ êsa.

⁵ Êsêac sêsam lau meloc gebe apômtau êtiam atom
ma tetoc lau wauc-wauctêna sa amboac lau towae
atom.

⁶ Gebe ñac meloc oc êsôm biñ meloc
ma nê ñalêlôm taê gêjam secgeñ,

gebe êngôm gêñ toAnôtômêgen
 ma êsôm biñdansañ êpi Apômtau
 ma êwi lau, tañ mo gêjô êsêac nañ, siñ sêmoa tomo
 êjô êsêacgen
 ma êngamiñ bu êndên lau, tañ bu gêjô êsêac nañ.
⁷ Wauc-wauctênanê mêtê sec,
 en taê gêjam biñ sec kêtú wakuc-kêtú wakuc
 ma lau sêpô-lêna-taunwaga embe sêwa nêñ biñ sa
 gebe biññanô,
 oc ñac tau enserê êsêac su ña nê biñdansañ.
⁸ Mago ñac mansañ taê gêjam biñ mansañgen
 ma êsap gêñ mansañ tônia ñajañagen.

Propete gêlêñ biñ lauo Jerusalemña

⁹ Amac lauo, tañ anğônia ñaômagen nañ, andi, anô aê
 aoc,
 ma êsêac latunjo amac, tañ akêñ gêwiñ biñ paliñ-
 paliñgenñboa nañ.
 akêñ tañem ñoc biñ.
¹⁰ Jala teñ ma bêc ñagêdô ênaña acgom,
 go amac lauo, tañ akêñ gêwiñ biñ paliñ-paliñgenñboa
 nañ atakê,
 gebe wain ñanô oc êtu lêwê atom, ma noc anij mo
 lasêña mênêsa atom.
¹¹ Amac lauo, tañ anğônia ñaômagen nañ atênêpman,
 amac lauo, tañ akêñ gêwiñ biñ paliñ-paliñgenñboa
 nañ atakêman.
 Akwalec nêñ ñakwê su ma amoa ñaômagen, go asô
 talu êtu nêñ ñakwê.
¹² Atañ tañjiboa êtu nêñ kom ñajamña
 êtu nêñ wain ñajamña,

13 êtu ñoc launêñ nom, tañ wañganic to gêñ têkwa-têkwa gêjam auc nañña
ma êtu gôlôac, tañ sêñgôñ malac tatu samucña
totêntac ñajamgeñ nañña.

14 Gebe andu kapôêñ oc êtu tuc, ma malac toñaonda
tau êtu gasañ.

Gamêñ ñabau to andu soso dêdib ñacjoña oc êtu
bôcnêñ gêsun enden tôneñ,
ma êtu donki gêbôm nêñ gamêñ ôwêña,
ma êtu dombanêñ gamêñ sêniñ gêñña.

15 Biñ tonañ ênêc e Apômtau ênsêwa Ñalau aña lôlôc
mêñêpi aêac,

go gamêñ sawa ênam tau ôkwi êtu kôm toñanô
ñajam,

ma kôm toñanô ñajam ênam ñanô êlêlêc su.

16 Ma mêtôc gêdêñ oc ênêc gamêñ sawa
ma biñ gêdêñ êmoa kôm toñanô ñajam ñalêlôm.

17 Ma biñ gêdêñ ênam ñanô biñmalô
ma mêtôc gêdêñ ênam ñanô tamoa ñañêñ totêntac
êpa sugen enden tôneñ.

18 Ñoc lau oc sêñgôñ tobiñmalô
ma sêlêwan tañ sêñgôñ andu ñajaña to gamêñ
êmacgeñ.

19 Ma salen oc êku guluñ tagen
ma malac popoc samucgeñ êsêp êtap ênêc.

20 Âê aoc êôc amac, tañ asê nêñ gêñ êsêp bugala
ma akêñ bulimakao to donki tañ sêmoa nêñ gêñ.

33

Apômtau oc ênam Jerusalem kêsi

1 Ojae aôm ñac-goseñ-gêñ-suwaga-ma, tañ sesen aôm
taôm su atom nañ,

ma aôm ñac-kôjaŋgo-gêŋwagama, taŋ ñac teŋ kêjaŋgo
nêm gêŋ su atom naŋ.

Êndêŋ taŋ onseŋ geŋ êmbacnê naŋ, oc senseŋ aôm
taôm su,

ma êndêŋ taŋ ôjaŋgo gêŋ e êmbacnê naŋ, êsêac oc
sêjaŋgo nêm gêŋ.

² O Apômtau, taêm walô aêac,
aêac aôm aôm amoa.

Ôtu aêacma lemeŋ êtôm bêbêcgeŋ
ma aêacma kêsiwaga êndêŋ têm gêŋwapacŋa.

³ Êndêŋ taŋ lau oc sêŋô aôm awam amboac wapap
gêjac naŋ, oc sêc.

Êndêŋ taŋ aôm ôndi sa naŋ,
tenteŋlatu samob sêc êliŋ-êliŋ.

⁴ Ma lau oc sejoŋ ñawaba amboac lêssêc sejoŋ gwada
ma waba tau ê êsêac amboac têapa gê lêssêc.

⁵ Tatoc Apômtau sa gebe eŋ gêŋgôn lôlôc.

Eŋ oc êkêŋ mêtoç gédêŋ to biŋ gédêŋ ênam Sion auc.

⁶ Eŋ oc ênam gôliŋ aôm nêm têm samob êsêlêŋ
ñaŋêŋgeŋ

ma êkêŋ moasiŋ ênam aôm kêsiŋa to kauc mêtêŋa
ma kauc tajala gêŋŋa ênam sêga.

Tatêc Apômtau kêtú ênê awamata.

⁷ Alic acgom, siŋsêlêc têtaŋ sêmoa intêna
ma wama ñasêliŋwaga têtaŋ secanô.

⁸ Intênasêga kêtú gasaŋ ma lau teŋ sêssêlêŋ sêsa
kêtiam atom.

Êsêac sêjac poac popoc ma sêpêlê lau-sêwa-biŋ-
sawaga

ma tetoc ñamalac teŋ sa kêtiam atom.

9 Nom kêtañ tonjalêlôm ñawapacgeñ.
 Lôc Lebanon kêmêliñ tomajageñ.
 Gaboañ Saronña kêtôm gamêñ sawa.
 Ma lôc Basan to Karmel kêtû kwalam.

10 Apômtau kêsôm gebe
 “Galoc aê kamasañ tauc gebe jandi,
 galoc aê oc jandi jakô.

11 Amac taêm, mago akêkam gêñ ñapa
 ma akôc ñalauñ ñamasêgeñ.
 Nêm awemjaô kêtôm ja ñawaô, tañ oc êniñ amac su
 nañ.

12 Ma tentenlatu samob oc têtôm usu ñapa, tañ sêpac
 kêtû ñop nañ,
 têtôm wançanic, tañ sêsap su ma sêkêñ ja geñ nañ.

13 Amac lau, tañ amoa jaêcsêga nañ, añô gêñ, tañ
 gagôm nañ ñawae.
 Ma amac lau, tañ amoa ñagala nañ, ajala ñoc ñaclai.”

14 Secwaga Sionña têtêc tañ ñasec,
 ma lau alôb-alôb têtakê ñanô ma sêsôm gebe
 “Aêacnêñ asa oc êtôm gebe êngôñ êwiñ ja, tañ êsa
 endenñ têtêgeñ nañ.”

15 Nac tañ kêsa nê lêñ gêdêñgeñ ma kêsôm biññanô
 nañ,

ñac tañ gedec gêñ, tañ lau sêjanço nañ,
 ma gêoc lêma têtêñ gêdêñ awa êtim eñña
 ma kêtêñ taña biñ sêkêc dec siñña atom,
 ma gêsañ mataanô auc gebe êlic gêñ sec atom

16 ñac tonañ tec êngôñ lôlôc.
 lôc to poc sagiñ oc êtu ênê lamu
 ma ança tonañ oc sêkêñ mo êndêñ eñ ma êpô lêna
 bu atom.

17 Matamanô oc êpi nê m kinj tonê ŋawasi,
matamanô oc êu lainj su êna.

18 Nê m ŋalêlôm oc taêm ênam ŋawapac langwa, taŋ
katakê aôm naŋ,

gebe “Ŋac kêsa gêŋ saŋa gêmoa ondoc.

Ŋac gêjam dôŋ gêŋŋa gêmoa ondoc.

Ŋac kêsa andu jaliŋa samob saŋa gêmoa ondoc.”

19 Matamanô oc êpi lau-tetoc-tauŋ-sawaga êtiam
atom.

Êsêac sêsôm awenj teŋ, taŋ gôjam kauc ŋam,
ma imbelenj kêpêlê biŋ, taŋ kôjala atom.

20 Matamanô êpi Sion, taŋ kêt u aêacnêŋ omsêga
ŋamala.

Matamanô oc êpi malac ŋaŋêŋ Jerusalem tau,
taŋ kêtôm becobo, taŋ kêkô gedenj tôŋgeŋ naŋ.

Lau teŋ oc sêmbuc ŋaalê sa atom.

21 Ma Apômtau oc êmoa êwiŋ aêac tonê ŋawasi kinjŋa.

Eŋ oc êtu aêacnêŋ bu kapôêŋ to ŋawenwenj,

taŋ manowa ma waŋ tolac têtôm atom gebe sêsô
sêna naŋ.

22 Gebe Apômtau kêt u aêacnêŋ mêtôcwaga ma kêt u
nêŋ gôliŋwaga.

Apômtau kêt u nêŋ kinj ma oc ênam aêac kêsi.

23 Nê m lêpoa kê m kêt u goloŋ ma gê jamoa tôŋ atom,
tec agenj lac sa kêtôm atom.

Go sênac sam awa, taŋ sêjaŋgo naŋ,

ma lau puliŋ oc sêkôc sêwiŋ amboac tonanjenj.

24 Ŋac malac tonanjenj teŋ oc êsôm gebe “Gêmac
gêgôm aê,” nec atom.

Apômtau oc êsuc lau, taŋ sêŋgôŋ malac tau naŋ, nêŋ
sec ôkwi.

34:1-17 Môkêlatu tonec geoc Anôtônê ñacjo nêñ
 ñandan, tañ enseñ êsêac su sênaña nan lasê. * sa.
 Lau jaba sêsôm taun awen katu sejop to sêkônin
 êsêacña. † wan gebe sênac sin êndên Israel nan, nêñ
 bin sa.

35

Anôtô kêmasañ nê lau têtú wakuc

¹ Gamên gasañ to gamên ñakelen oc têtac ñajam
 ma gamên sawa oc êtu samuc ma ñaola ênac lêtên
 amboac mênamin.

² Ñaola êsa ênam aucgen
 ma gamên tau oc êtu samuc ma ênam wê totêtac
 ñajamgen.

Ma sêkên Lebanon ñañawasi
 ma Karmel to Saron ñagêlôn êndên gamên tau.
 Êsêac oc sêlic Apômtaunê ñawasi
 ma Anôtônê ñawasi kinña.

³ Anôm lememe, tañ kêtú palê nan, ñajaña êsa
 to anôm emduc, tañ kêtú golon nan, ñajam êsa.

⁴ Asôm êndên lau tonên ñalêlôm ñatutuc gebe
 “Akô ñajaña ma atêc taôm atom.

Alic acgom, nêñ Anôtô oc êmên êtu êkac kamocgôc
 to êkên ñagêjôña ma ênam amac kêsi.”

⁵ Go matenpêc maten êlac
 ma tañensunbic tañensun êpoa lasê.

⁶ Go magin kêsú sêmboan sa têtôm mojava
 ma awenmê sênam wê lambinña,

* **33:24:** Ñamadin 18 to 19 gêwa lau Israel nêñ têm gêñwapacña

† **33:24:** Ñamadin 23 gêwa lau Israel nêñ ñacjo, tañ sêlac

gebe bumata oc êu lasê êsa gamêñ gasan
to bu kapôêñ êsa gamêñ sawa.

⁷ Kekop ñandanj oc êtu bugêjacton
ma bumata oc êpulu anja nom gelo-gelo,
ma gêgwanj to ôpic ma sinj êpi anja kêam gamêñ
sawanja malenj.

⁸ Ma intênasêga tenj oc ênêc tonec,
ma sêsam intêna tau gebe “Intêna dabunj.”
Lau môpñja sêsêlêñ sêsa tonan atom,
ma lau meloc sêmoa intêna tau atom.

⁹ Lewe tenj oc êmoa tônê atom
ma bôclai tenj oc êsêlêñ êmoa intêna tau atom,
oc tatap êsêac sa sêmoa tônê atom,
lau tanj Apômtau gêjam êsêac kêsi nanjenj, oc sêsêlêñ
intêna tau.

¹⁰ Ma êsêac, tanj Apômtau kêgaboac
su nanj, oc sêmu sêmêñ
mêñsêo lasê Sion towêgenj.
Têntac ñajam tenjenñja oc ênsac êsêac ñaô
têntac ñajam to têtac ñagaô oc ênam êsêac auc
ma gêñwapac to tanjiboa oc êwi êsêac sinj.

36:1–39:8 Lau Asuria nêñ kinj Sanherib gêwê
nê sinjwaga sêo lasê gamêñ Judanja ñaminj kêsêp
môkêlatu tonec. Mago Anôtô gêjam malac
Jerusalem sa ña lêñ kainj tenj. Kinj Hiskia kêtap
gêmac kapôêñ sa, mago ôli ñajam kêsa kêtiam.

40

Anôtônê binj gêjam malô Sionja

¹ Nêmu Anôtô kêsôm gebe
“Anam malô, anam malô ñoc lau.

² Asôm binj malôgenj êndênj Jerusalem

ma amôêc êndêḡ en
 gebe ênê sakinḡ ḡêḡômaḡa ḡatêm ḡêbacnê
 ma sêsuc ênê keso ḡatôp ôkwi,
 gebe Apômtau lêma kêkêḡ ḡagêḡô kêlêlêc su
 ḡêḡô ênê sec samob.”

³ Awa teḡ ḡêmôêc gebe
 “Amansaḡ Apômtaunê ḡamêḡ êsêlêḡ êsaḡa aḡga
 ḡamêḡ sawa
 to amêtôc intêna êtu solop aḡga ḡamêḡ ḡakelenḡ êtu
 nêḡ Anôtôḡa.

⁴ Gaboaḡ samob oc êôc sa
 ma lôc to ḡamêḡ ḡabau êtu tapa
 ma sêmêtôc ḡapoalic êtu solop
 ma sêmansaḡ ḡamêḡ kalonḡ-kalonḡ ḡatip êsa.

⁵ Go Apômtaunê ḡawasi oc eoc tau lasê
 ma ḡamalac peberḡ oc sêlic ḡêḡ tau sêwiḡ taunḡ
 gebe Apômtaunê awa kêsôm biḡ tau.”

⁶ Awa teḡ kêsôm gebe “Ômôêc.”
 Ma aê kasôm gebe “Jamôêc asageḡ.”
 “ḡêḡ nomḡa samob kêtôm ḡêḡwanḡ
 ma ḡamalacnêḡ ḡêlôḡ samob kêtôm ḡaola kômḡa.

⁷ Êndêḡ taḡ Apômtau êju nê awajaô naḡ,
 ḡêḡwanḡ êmêliḡ ma ḡaola êsêlic.
 Biḡḡanô, lau têtôm ḡêḡwanḡ.

⁸ ḡêḡwanḡ kêmêliḡ ma ḡaola kêsêlic,
 mago aêacnêḡ Apômtaunê biḡ oc ênêc endenḡ
 tônḡenḡ.”

⁹ O Sion, jaenḡwaga ḡawae ḡajamḡa,
 ôpi lôc balinḡ teḡ ôna.
 O Jerusalem, jaenḡwaga ḡawae ḡajamḡa,

ôpuc awam sagen.

Ôsôm êndên malac Judaņa gebe “Alic nê m Anôtô tonec.”

¹⁰ Alic acgom, Apômtau Anôtô gêmên tonclai ma enj tau lêma gêjam gôlinj gên samob.

Alic acgom, lau taņ enj kêku êsêac atom tulu naņ, sêwiņ enj

ma lau, taņ gêjam kôm kêpi êsêac naņ, sêmuņ enj.

¹¹ Enj oc engeņ nê domba êtôm ñacgejob

ma êsip domba ñalatu tamiņ bôdagi,

go êwê ñatêna malôgeņ.

Israelnên Anôtônê dôņ masi

¹² Asa kêkati gwêc ña lêma ma gêjam dôņ ma kêsaka undambê.

Asa gêjam dôņ nom ñakekop kêsêp bakep

ma gê dôņ lôc samob to kêsâê gamênj ñabau ñaņawapac.

¹³ Asa gêjam gôlinj Apômtaunê ñalau

ma mêtêmôkê ondoc kêdôņ enj.

¹⁴ Enj gêjam kênac asa gebe êwa biņ sa êndên enj

ma asa kêtôc intêna mêtôc gêdênj gêdên enj

ma kêdôņ kauc gêdên enj

ma kêtôc intêna êjala gên ñamņa gêdên enj.

¹⁵ Alic acgom, tentenlatu têtôm bu ñatetep, taņ kêsap bakep tôņ naņ,

ma têtôm kekop, taņ lau sênam dôņ êtôm atom naņ.

Alic acgom, nuc ñawapac kêtôm gêngambu tenj.

¹⁶ Ka Lebanonņa kêtôm gebe sênac pac êtu dajaņa

ma bôc Lebanonņa kêtôm gebe êtu daja tau atom.

¹⁷ Enj gêlic tentenlatu samob amboac gênj ñaôma

gêlic êsêac têtôm gênj tenj atom.

18 Amac alic Anôtô kêtôm asa,
ma anam dôḅ eḅ êpi asageḅ.

19 Anam dôḅ eḅ êpi gwam me.

Ḥacmêtê kêpac gêḅ tau,

ma ḅac-kêpac-goldwaga kêkwa gêḅ tau auc ḅa gold
ma kêmasaḅ kapoacwalô silberḅa kêtû gêḅ tauḅa.

20 Ḥac ḅalêlôm sawa oc êjaliḅ ka ḅajaḅa teḅ sa gebe
êtu namuc atom

ma êtap kwalam laḅgwa teḅ sa,

gebe êsap ḅakatu teḅ taḅ êkô ḅaḅêḅgeḅ naḅ.

21 Amac ajala atom me. Amac aḅô atom me.

Êsêac sêjac miḅ biḅ tau gêdêḅ amac gêdêḅ an-
daḅgeḅḅa su atom me.

Amacnêm kauc kêsa gêdêḅ Anôtô kêkêḅ nom naḅ,
atom me.

22 Eḅ taugenḅ gêḅgôḅ nom ḅamadiḅ lôlôcḅa ḅaô

ma gêlic ḅamalac têtôm wagô

ma kêlaiḅ umbonḅ kêtôm obo teḅ,

go gêlam gêḅ tau kêtôm becobo, gebe lau sêḅgôḅ
ḅalabu.

23 Eḅ gêgôm kasêga têtû gêḅ ḅaôma

ma gôliḅwaga nomḅa têtôm gêḅ ḅanô masi.

24 Sêsê êsêac ma sêpônḅ êsêac

ma ḅawakac keselenḅ kêsêp nom,

go eḅ gêju awajaô kêpi êsêac e gacgeḅ sêmêliḅ

ma mulai kêlai êsêac sa amboac gêḅgambu.

25 Ḥac dabuḅ tau kêsôm gebe Amac oc anam dôḅ aê
êpi asa,

ma aêagêc asa atôm tauḅ.

26 Aôc matemanô sa êpi lôlôc ma alic.

Asa kêkêḅ utitalata samob tônê ḅai.

Ḥac, taḅ gêwê êsêac totoḅ-totoḅ sêsa sêmêḅ

ma kêsam êsêac samob nêj ñaê nan,
nê ñaclai kapôêj ma en Ñaniniñ Natau,
tec nêj teñ géjaña atom.

27 Aôm kôsôm gebe “Ñoc lêj kêsiñ tau gêdêj
Apômtau

ma ñoc Anôtô gêôc lêlêc ñoc biñ, tañ taêc kêka nan.”
O Jakob, aôm kôsôm biñ tonañ kêtú agenña,
o Israel, aôm kôtanj tanjiboa tonañ kêtú agenña.

28 Amac ajala to añô biñ tonec atom me gebe
Apômtau en Anôtô teñgenña.

En kêkêj nom ñamadiñ samob.

En oc êtu goloñ atom ma têkwa êmbac atom.

Aêac tatôm gebe takip ênê kauc êjala biñña ñam sa
atom.

29 En kêkêj ñaclai gêdêj lau tekwenj gêbac
ma ñajaña gêdêj lau palê-palê.

30 Lau matac oc têtú goloñ ma tekwenj êmbac,
ma ñapalê wakuc oc sêu tañ,

31 mago êsêac, tañ taêj kêka Apômtau nan, oc têtáp
ñaclai wakuc sa.

Êsêac oc sêkêj magê amboac momboañ.

Êsêac oc sêlêti, mago tekwenj êmbac atom,

êsêac oc sêsêlêj, mago têtú goloñ atom.

41

Anôtô géjac mata biñ gêdêj Israel

1 “Amac nuc samob, jamañgenj ma akêj tañem aê.

Ma tentenlatu samob têtáp nêj ñaclai wakuc sa.

Êsêac têtú gasuc mênşêsôm nêj biñ.

Aêac samob dawinj tañ natakô êtu mêtôcña.

² “Asa kêjaliņ ɲac, taņ kêku ɲacjo tulu ɲapaņ naņ, sa aņga oc kêpiņa.

ɲac tau kêkêņ tentenlatu taêsam sêsô eņ ɲalabu to kêka kiņ tônia.

Ênê siņ gêjac êsêac popocgeņ e têtôm kekop ma nê talam kêjanda êsêac e têtôm gêngambu, taņ mu gêju naņ.

³ Eņ kêjanda êsêac kêdaguc ma kêsa nê lêņ toôli samucgeņ, eņ kêlêti e akaiņ gedec nom.

⁴ Asa kêkalem gôlôac to gôlôac samob gêdêņ andaņgeņ ɲanô

ma kêmasaņ to gêgôm gêņ tonañ.

Aê Apômtau, aê ɲac, taņ gagôm gêņ tau.

Aê katu ɲamata ma oc jatu ɲamu.

⁵ “Nuc samob sêlic gêņ tau ma têtakê

ma nom ɲamadiņ têtênêp,

êsêac têtu gasuc-têtu gasuc sêmêņ.

⁶ Lau sêjam tauņ sa

ma sêsôm gêdêņ tauņ gebe ‘Têntac êpa sugeņ.’

⁷ ɲacmêtê awa gegen ɲac-kêpac-goldwaga tônia.

Kamunda awa gegen ɲac-keto-ɲatalôwaga tônia

ma kêsôm gebe ‘Gêņ tau ɲajamanô.’

Ma sêjac gêņ tau tônia ɲa bêlêm gebe wiwic atom.

⁸ “Ma ɲoc sakiņwaga aôm, Israel,

aôm Jakob, taņ kajaliņ sa naņ,

ɲoc ɲac Abraham nê wakuc aôm

⁹ aê kakôc aôm aņga nom ɲamadiņ

to gamôêc aôm aņga nom ɲakêclêsu jaêcsêga

ma kasôm gêdêņ aôm gebe ‘Aêņoc sakiņwaga aôm,

aê kajaliņ aôm sa ma katiņ aôm su atom.’

10 Ôtêc taôm atom gebe aê gamoa gawiņ aôm,
têmtac ŋagogo atom gebe aôm nê m Anôtô aê.
Aê oc jakêņ ŋaclai êndêņ aôm, aê oc janam aôm sa,
aê oc japuc aôm tôņ ŋa lemoc anôņa, taņ kêku ŋacjo
tulu naņ.

11 “Alic acgom, êsêac taņ têtac ŋandaņ gêdêņ aôm
naņ,
oc sêsu êsêac susu ma sêņgôm êsêac majeņ êsa.
Êsêac taņ sêkêņ kisa gêdêņ aôm naņ,
oc têtôm gêņ ŋaôma ma sênaņa.

12 Aôm oc onsom nê m ŋacjo, mago oc ôtap êsêac sa
atom,
ma êsêac, taņ sêjac siņ gêdêņ aôm naņ, oc maleņmê
sênaņa.

13 Gebe aê Apômtau, aôm nê m Anôtô,
kakam lêmam anôņa tôņ.
Aê tec kasôm gêdêņ aôm gebe ‘Ôtêc taôm atom,
aê oc janam aôm sa.’ ”

14 Apômtau kêsôm gebe” O ŋoc gêņenec Jakob, ôtêc
taôm atom.

Amac lau Israelņa, oc janam amac sa,
gebe amacnê m kêsiwaga aê, Israelnêņ ŋac dabuņ.

15 Ôlic acgom, aê gagôm aôm kôtu olo,
olo wakuc ŋajaņa.

Aôm oc ôtuc lôc popoc e êtu kekop,
ma gamêņ ŋabau e êtu gêņgambu.

16 Aôm oc okolonņ gêņ tau e mu êju ŋapa su,
mulai oc êlai gêņ tau êliņ-êliņ.
Ma aôm oc têtac ŋajam êsa êtu Apômtauņa,
ma waem êsa êtu Israelnêņ ŋac dabuņņa.

17 “Lau ñalêlôm sawa to sêpô-lêna-taunwaga embe
sensom bu elêmê
ma bu embe êjô êsêac e imbeleñ ñakelenj êsa,
nañ aê Apômtau oc jakêñ tañoc êsêac.

Aê, Israelnêñ Anôtô, oc jawi êsêac siñ atom.

18 Aê oc jakêñ bu enselenj êsa lôc kalonj-kalonj
ma bumata êpoac gamêñ ñagaboañ.

Aê oc janam gamêñ sawa ôkwi êtu bugêjactonj
ma bu êpulu êpi gamêñ ñakelenj.

19 Aê oc jasê kaseda to kakêlim
ma kabôêñ to katêkwi êkô gamêñ sawa

ma jakêñ siunj êkô gamêñ ñakelenj
ma kalelonj to kêmêsic êwiñ amboac tonanjenj

20 gebe lau samob oc sêlic to sêjala

ma sêsala e nêñ kauc êsa,

gebe Apômtaunê lêma gêgôm gêñ samob tonan
ma Israelnêñ ñac dabunj kêkêñ gêñ tau.”

Anôtô kêpêlê anôtôi dansañ

21 Apômtau kêsôm gebe “Amansañ nêñ binj.”

Kinj Jakobña kêjatu gebe “Akêñ lau-sêwa-nêñ-binj-
sawaga sêsa sêmêñ.

Sêsa sêmêñmanj ma sêsôm binj samob, tañ oc
mêñêsaña nañ lasê.

Anac minj binj langwa samob ñam

gebe ênêc ma kauclêlôm ma taêñ ênam.

22 Ma awa gêñ, tañ oc mêñêsaña nañ, sa êndêñ aêac
gebe taêñ ênam gêñ tau êtu anô ñalêñ.

23 Asôm gêñ, tañ mêñêsa êtu ñamu ña nañ, êndêñ
aêac,

ec ajala gebe amac anôtôi binjanô.

Ajôc, anjôm gêñ teñmanj, ñajam me sec

gebe aêac alic ma atakê.

²⁴ Mago amac gêñ ñaôma
ma nêñ koleñ ñanô masi samucgeñ
ma ñac, tañ kêjaliñ amac sa nañ, eñ ñac alôb-alôb.

²⁵ “Aê gajac ñac teñ sa anğa gamêñ nodonğa, tec
gêmêñ.

Gêmêñ anğa oc kêpiña. Eñ oc awa ênac ñoc ñaê.
Eñ oc êka gôliñwaga tônia amboac lêsap
ma amboac ñac-kêpac-kuwaga kêka nomku.

²⁶ Asa gêwa gêñ tau sa gêdêñ andanğeñ gebe aêac
ajala

me kêkêñ ñawae gêmunğeñ gebe aêac alôc gebe ‘Ñajam.’
Lau teñ sêwa sa atom, lau teñ sêkêñ ñawae gêmunğeñ
atom.

Lau teñ sêñô nêñ biñ atom.

²⁷ Aê kasôm biñ tau lasê gêdêñ Sion kêtü ñamata
ma kasakiñ jaenğwaga to ñawae ñajam tau gêdêñ
Jerusalem.

²⁸ Aê matocanô gêja, mago galic ñac teñ atom.

Aê embe jatu kênac, oc nêñ ñac êwê êsêacña teñ
gêmoa

gebe êjô aê aocña nec atom.

²⁹ Alic acgom, êsêac samob têtü gêñ ñaôma ma nêñ
koleñ ñanô masi samucgeñ.

Nêñ gwam kêtôm mu ñaôma.” * † ñagêdô sa. Alic
40:19-20

42

Apômtaunê sakinğwaga

* **41:29:** Biñ tonanğ kêkanônia kiñ towae Kores. † **41:29:** Ñamadiñ
6 to 7 gêwa lau-sêsap-gwamwaganêñ kôm

1 “Alic acgom, ñoc sakinwaga, tañ gajac eñ sa nañ,
 ñac tañ kajaliñ eñ sa ma katuc galic eñ ñajam nañ,
 tau tonec.

Aê kakêñ ñoc Ñalau jagêsac eñ ñaô
 ma eñ oc êkôc biñgêdêñ êndêñ tentenlatu samob
 êna.

2 Eñ oc êmôêc êkac sagen atom
 ma êlain nê biñ êtu tapa ênêc malacluñ atom.

3 Eñ oc êpôñ sôbolec, tañ tulu kwananğen nañ,
 tulu samucgen atom

ma êsi dawen gasilana êmac atom.
 Eñ oc êwaka biñgêdêñ sa ñañğenğen.

4 Eñ oc êtu palê me êtu golon atomanô
 e ênac dabiñ biñgêdêñ anğa nom,
 ma nuc sêkêñ maten ênê biñsu.”

5 Apômtau Anôtô, tañ kêkêñ undambê ma kêlain
 gêñ tau

ma kêmasañ nom to ñagêñlêlôm samob

ma kêkêñ lau nomña sêsê awen

to kêkêñ maten jali gêdêñ gêñ samob, tañ sêsêlêñ
 sêmoa nom ñaô nañ,

kêsôm biñ tonec gebe

6 “Aê Apômtau, aê kakalem aôm tobiñgêdêñgen

ma kakam aôm tôñ gêdêñ lêmam ma gajam jaom
 aôm.

Aê kakêñ aôm kôtu ñoc poac ñabelo gêdêñ lau,
 ma kôtu tentenlatunêñ ja.

7 Gebe ôñgôm lau matenpec nêñ matenjanô êpoa lasê
 to ôwê lau kapoacwalôña sêsa anğa gêsunğemêñ
 ma êsêac, tañ sênğôn tokesecgen nañ, sêsa anğa
 kapoacwalô sêmêñ.

8 Aê Apomtau, aêñoc ñaê tau tonañ.

Aê jawi ñoc ñawasi sinj êndênj lau tej atom
ma jawi ñoc waec sinj naelom gwam atom.

⁹ Alic acgom, binj langwa ñanô kêsa sugac
ma galoc oc jasôm binj wakuc lasê.

Binj tau ñanô kêsa atom tagenj ma jasôm lasê êndênj
amac kwananjenj.”

Talambin Apômtau, gebe gêjam nê lau kêsi

¹⁰ Anja wê wakuc tej êndênj Apômtau
ma alanem enj e êndênj nom ñamadinj.

Gwêc to ñagêñlêlôm ñadindinj êsa

ma nuc to lau, tanj sêngônj tonanj nanj, sêlambinj
sêwinj.

¹¹ Gamênj sawa tau to malac gamênj sawanja sêôc
awenj sa

ma lau Kedar nênj malac amboac tonanj.

Lau tanj sêngônj gamênj Sela nanj, sênam lasê

ma nênj ñaôndu êpi anja lôc ñatêpôê.

¹² Êsêac tetoc Apômtau sa

ma sêsôm ênê wae lasê anja nuc.

¹³ Apômtau oc êsa amboac ñactêkwa tej,

enj êli tau sa amboac ñac sinjja tej.

Enj ênam wambanj to ênac mu.

Enj êtôc tau êndênj nê ñacjo gebe enj ñac sinjsêlêc.

Anôtô gêjac mata gebe ênam nê lau kêsi

¹⁴ “Aê ganjônj gamênj gêmac ñasawa ñênjenj,

aê kasôm binj atom ma gajam tauc tônj.

Ma galoc aê oc jatanj lasê amboac awênê gabêsi sec.

Aê oc jasê aoc e tekoc êmbac-êmbac.

¹⁵ Aê oc janjôm lôc to gamênj ñabau êtu gasanj

ma ñagêgwanj samob êsêlic.

Bu kapôêḡ oc ḡamaḡ ḡaôma
ma bugêjacton ḡakeleḡ êsa.

16 “Aê oc jawê lau matenpec sêsa intênasêga, taḡ
sêjam kauc naḡ,
ma sêsa intêna saunḡ, taḡ sêjala atom naḡ.
Aê janam ḡakesec, taḡ gê êsêac auc naḡ, ôkwi êtu
ḡawê
ma gamêḡ kalon-kalon ḡatip êsa.
Gêḡ samob tonanḡ ḡai aê oc janḡôm ma jandec
sênêcḡa atom.

17 Êsêac taḡ sêkêḡ gêwiḡ anôtôi jaba
ma sêsôm gêdêḡ gwam gebe ‘Aêacma anôtôi amac’
naḡ,
oc sênu taunḡ su tomajenḡen sêna.”

Lau Israel seso taḡeḡ wamu ḡamoasiḡ

18 “Amac lau taḡemsunḡbic anô biḡ,
ma amac lau matempec alic to asala gêḡ.

19 Asa matapec kêtôm ḡoc sakiḡwaga
ma asa taḡasunḡbic kêtôm ḡoc jaenḡwaga, taḡ kasakiḡ
enḡ naḡ.

Asa matapec kêtôm enḡ, taḡ ôli andanḡ aê naḡ,
ma taḡasunḡbic kêtôm Apômtaunê sakiḡwaga.

20 Aôm gôlic gêḡ taêsam, mago kôsala atom.
Aôm taḡamsunḡ kêpoa lasê, mago gôḡô biḡ atom.”

21 Kêtu nê biḡgêdêḡḡa Apômtau gêlic ḡajam,
gebe êḡgôm nê biḡsu êtu kapôêḡ to ḡawasi êsa.

22 Mago kêjaḡgowaga sêjam ḡenḡenḡ ma sêjaḡgo lau
tonec nêḡ gêḡ samob su.

Êsêac samob têtôm bôc kêsêp sê
ma sêsiniḡ taunḡ sêḡgôḡ kapoacwalô.

Êsêac têtù ñacjonêñ gêñ sugac ma ñac teñ gêmoa
gebe ênam êsêac kêsija atom.

Ñacjo sêjañgo êsêac su ma ñac teñ kêsôm gebe
“Akêñ êsêac sêmu sêna,” nec atom.

²³ Amacnêñ asa êkêñ taña biñ tonañ.

Asa oc êñô ma taê ênam êtu têm, tañ oc mênjêsa
nañña.

²⁴ Asa kêkêñ Jakob gêdêñ lau saic-saic

ma Israel gêdêñ kêjañgowaga.

Apômtau tañ aêac dagôm sec gêdêñ eñ nañ, gêgôm
atom me.

Êsêac sêsa ênê lêñ mansañ atom

ma tañeñ wamu ênê biñsu atom.

²⁵ Tec eñ kêsêwa ñandañ têtac ñandañña to siñ ñajaña
kêpi eñ.

Eñ kêkêñ jawaô kêkôm eñ auc, mago nê kauc kêsa
atom.

Gêñ tau geñ eñ ôli, mago kepeñ ênê ñalêlôm atom.

43

Apômtau taugen eñ kêsiwaga ñanô

¹ O Jakob, o Israel, galoc Apômtau, tañ kêkêñ aôm

ma kêmasañ aôm nañ, kêsôm biñ tonec gebe

“Ôtêc taôm atom, gebe aê gajam aôm kêsî su.

Aê gamôêc aôm ma kasam nêñ ñaê anôgeñ, aôm
kôtu aêñoc gêñ.

² Embe olom gwêc, aê oc mênjawin aôm.

Ma embe ôsêlêñ ômoa ja ñalêlôm, oc ênam aôm atom
ma jawaô oc êniñ aôm atom,

³ gebe Apômtau, aômñêñ Anôtô aê,

Israelnêñ ñac dabuñ to nêñ kêsiwaga aê.

Aê kakêñ Aiguptu kêtù awa gêjam ôli aôm suña

ma kakêñ Aitiopia to Seba gêjô aôm

4 gebe aê galic aôm kôtôm awamata ten
 ma kakian aôm sa to têtac gêwiņ aôm.
 Aê kakêņ gamêņ gêjô aôm
 ma kakêņ lau tomôkê-tomôkê gebe ômoa matam
 jali.

5 Ôtêc taôm atom gebe aê mêngawiņ aôm,
 aê oc jajoņ nêm wakuc sa aņga oc kêpiņa
 ma janac aôm sa aņga oc kêsêpņa.

6 Aê oc jasôm êndêņ musaņgu-m gebe Ôwi sinmaņ,
 ma êndêņ mula-m gebe Ôņgamiņ atommaņ.
 Ôkêņ latuci aņga gamêņ jaêc
 to ŋoc latucio aņga nom ŋamadiņ

7 ma lau samob, taņ sêwê kaiņ ŋoc ŋaê
 ma kakêņ to kamasanġ êsêac kêtu ŋoc waecņa naņ,
 sêndêņ aê sêmêņ.

8 “Akêņ lau, taņ matenġpec, mago matenġanô gêc naņ,
 to lau, taņ taņeņsuņbic, mago taņeņsuņ gêc naņ,
 sêsa sêmêņ.

9 Akêņ tentenġlatu samob sênac taunġ sa
 ma lau tomôkê-tomôkê sêkac sa sêpi tagenġ.

Êsêacnêņ asa kêtôm gebe êwa gêņ tonec sa
 ma êtôc gêņ andanġeņġa êndêņ aêac.

Êsêac sêkêņ nêņ lau, taņ sêpuc êsêacnêņ biņ tôņ naņ,
 sêsa sêmêņ gebe sêwaka êsêac sa
 e sêņô ma sêsôm gebe Biņ tau biņġanô.”

10 Apômtau kêsôm gebe “Aêņoc lau-sêpuc-ņoc-biņ-
 tôņwaga

to ŋoc sakiņwaga, taņ kajaliņ êsêac sa naņ amac
 gebe amac ajala to akêņ êwiņ aê
 ma nêm kauc êsa gebe aê tau tonec.

Anôtô tenġ kêsa gêmuņ aê atom

ma ten oc êndanꝓuc aê atom.

¹¹ Aê, aê taucgen Apômtau
ma kêsiwaga ten gêmoa gêwiꝓ atomanô.”

¹² Apômtau kêsôm gebe “Aê kasôm biꝓ lasê to gajam
amac kêsi
ma aê kakêꝓ ñawae gêdêꝓ amac gêmuꝓ su.
Gêdêꝓ tonanꝓ anôtô jaba ten gêmoa amac ñalêlôm
atom
ma amac atu ñoc lau-sêpuc-ñoc-biꝓ-tônꝓwaga.

¹³ Aê Anôtô gêdêꝓ andanꝓenꝓa
ma galoc amboac tonanꝓenꝓ
ma ten kêtôm gebe êjanꝓo gêꝓ su anꝓa aê lemoc
atom.
Aê gajam kôm ma asa oc êtôm gebe êkô kôm tau
auc.”

¹⁴ Apômtau, nêꝓ kêsiwaga ma Israelnêꝓ ñac dabuꝓ
kêsôm biꝓ tonec gebe
“Aê oc jasakiꝓ biꝓ êna Babel êtu amacꝓa
ma jatuc kapoacwalô ñabalanꝓ popoc
ma lau Kaldea nêꝓ lasê ênam tau ôkwi êtu tanꝓiboa.

¹⁵ Aê Apômtau, amacnêꝓ ñac dabuꝓ,
aê kakêꝓ Israel ma katu amacnêꝓ kiꝓ.”

¹⁶ Apômtau gêjam intêna kêsêp gwêc ñalêlôm
ma gêjam intêna gelom bu ñawenꝓwenꝓ

¹⁷ ma gêwê kareta to hos ma siꝓwaga to nêꝓ siꝓsêlêc
sêja

e sêsêp jasêc, êsêac oc sêndi sa êtiam atom.

Êsêac sêmac amboac dawenꝓ gasilana.

Apômtau, tanꝓ gêgôm gêꝓ tonanꝓ nanꝓ, kêsôm biꝓ
tonec gebe

¹⁸ “Taêm ênam gêꝓ lanꝓwa atom
ma aê go taôm êtu gêꝓ gêmuꝓñanꝓa atom.

19 Alic acgom, aê gagôm gêṅ wakuc ten
ma galic gêṅ tau kêpoa.

Amac alic gêṅ tau atom me.

Aê oc janam intêna êsa gamêṅ sawa êna
ma jakêṅ bu enselenj êsa gamêṅ ṅakelenj.

20 Bôc saleṅṅa ma kêambôm to kêcsêwa oc tetoc aê
sa

gebe kakêṅ bu kêpoac gamêṅ sawa
ma bu kapôêṅ keselenj kêsa gamêṅ ṅakelenj
gebe êkêṅ bu êndêṅ ṅoc lau, taṅ kajalinj êsêac sa nanj
sênôm.

21 Aê kakêṅ êsêac têtû ṅoc lau gebe sêsôm ṅoc waec
lasê.

22 “O Jakob, aôm awam gêṅjac aê atom.

O Israel, aôm gôm taôm su kêtû aêṅa atom.

23 Aôm kôkêṅ domba kêtû daja gêdêṅ aê
me kotoc aê sa ṅa nêṃ da ṅagêdô atom.

Aê kakônij amac ṅa da atom

ma kalênsônj amac ṅa binj da ṅamalunja atom.

24 Aôm gôjam ôli tê kêtû aêṅa ṅa nêṃ mone

me kômoasij aê ṅa nêṃ da toṅalêsi atom.

Aôm kôkônij aê ṅa nêṃ sec

to kôlênsônj aê ṅa nêṃ geogenj.

25 Aê, aê taucgenj gasenj nêṃ geo su

ma oc taêc ênam nêṃ sec êtiam atom kêtû aê taucṅa.

26 Taêm ênam ma ôkêṅ puc aê gebe tajô binj tau
dawinj tauṅ.

Aôm ôwa nêṃ binj sa ma ôwaka taôm sa gebe kôsôm
binjṅanô.

27 Tamam ṅamataṅa gêgôm sec

ma nêṃ sêlinjwaga sêgêli ṅoc binj.

28 Kêtu tonanña aê kakôc ñoc dabuñ su anğa kasêga
lôm dabuñña
ma kakêñ Jakob gebe lau senseñ eñ su
ma kakêñ Israel gebe lau sêsôm biñ êpi eñ.”

44

Apômtau taugen eñ Anôtô

1 “O ñoc sakiñwaga Jakob, o Israel, tañ kajaliñ sa
nañ,
galoc ôkêñ tañam.

2 Apômtau tañ kêkêñ aôm
to kêmasañ aôm anğa tênam têtacilêlôm ma oc ênam
aôm kêsî nañ,

kêsôm biñ tonec gebe
O ñoc sakiñwaga Jakob, o Israel,
tañ kajaliñ aôm sa nañ, ôtêc taôm atom.

3 Gebe aê oc jakêc bu êsêp gamêñ ñakeleñ
ma bu oc êpoac nom gelo-gelo.

Aê oc jakêc ñoc Nalau êpi nêñ wakuc
ma jakêc ñoc mec êpi nêñ gôlôac.

4 Ma êsêac oc sêlêc amboac gêgwan anğa gamêñ
ñawambuc ñajam

ma sêpi amboac ka, tañ kêkô bulêndanñ nañ.

5 Nac teñ oc êsôm gebe ‘Apômtaunê ñac aê.’

Ma teñ oc êsam tau ña Jakobnê ñaê.

Ma teñ oc eto êpi lêma gebe ‘Apômtaunê gêñ,’
ma ê tau êpi Israel.”

6 Apômtau, Israelnêñ kiñ to kêsîwaga
ma lausiñ undambêña nêñ Apômtau kêsôm biñ
tonec gebe

“Aê ñac ñamata to ñamu, anôtô teñ gêmoa gêwiñ aê
atomanô.

⁷ Asa kêtôm aê. Êsa mênêwa sa,
 êkên tau êkô aê lanôcnêm ma êwa tau sa.
 Nac andanjenña asa geoc biñ, tañ ocgo mênêsa
 nan, lasê kwananjen.
 Enj eoc gên, tañ ocgo mênêsa êtu njamu nan, lasê
 êwiñman.
⁸ Atêc taôm atom ma aê go taôm atom.
 Aê gajac miñ to gawa biñ tau sa gêdênj amac gêdênj
 andanjenña atom me.
 Amac atu ñoc lau-apuc-ñoc-biñ-tônwaga.
 Anôtô tenj gêmoa gêwiñ aê me masi.
 Lamu ñanô tenj gêmoa atom. Aê kajala tenj atom.”

Sakiñ gwamña tonec gêñ meloc

⁹ Lau-sêsap-gwamwaga êsêac gên ñaôma ma nêñ
 kôm ñanô, tañ tetoc sa nan, ñanô masi. Ma lau,
 tañ sêsap êsêac tôñ nan, sêlic to sêjala gên tenj atom,
 tec oc sêmoa tomajenjen. ¹⁰ Asa kêsap gwam ma
 kêmasañ ñakatu ñaôma ma ñanô masi. ¹¹ Alic ac-
 gom, ñac tau nê sakiñwaga oc majenj êsa, ma lau
 lemenj-mêtêwaga tau ñamalac ñaôma. Êsêac samob
 sêkac tauñ sa nasêkô acgom, go têtakê ñanô ma
 sênghôm êsêac samob majenj êsa.

¹² Nac-kêpac-kiwaga kêkênj ki kêsa ja e ñalana kêsa.
 Enj kêsac ña hama gebe êkênj gwam ñalanô. Enj
 gêjam kôm tolêma ñajaña sec e mo gêjô enj ma têtewa
 gêbac. Enj gêjam dabun bu, tec ôliwalô gêbacnê.

¹³ Kamunda tenj gê dôñ nê ka ma keto ñakatu
 ña kêlêpê. Go kêsap ña ki kêdaguc ñadônj tau ma
 kêwaka ñamalac ñakatu sa e kêtôm ñamalac lanô,
 gebe kêkô andu tenj. ¹⁴ Nac tau kêsap kaseda me
 kêjaliñ kalelonj me kamem tenj sa anga salenj me
 moae kêsê kaseda tenj ma kom gêlôm ka tau e kêtu

kapôênj. ¹⁵ Go ka tau êtu ñac tenj nê kamasê, enj êkôc ñagêdô ma ênsêlu ma ñagêdô gebe eno nê gêj. Mago ka ñagêdô tec enj kêsap kêtú anôtô jaba ma gêjam sakinj gêj tau, ma kêmasanj gwam ma kêpônj aduc gêdêj gêj tau. ¹⁶ Ka ñamakenj tec enj kêkêj ja genj ma kêpac gwada ma genj bôc e gêôc enj tôj, ma enj kêsêlu ja gêwiñ ma kêsôm gebe “Kec, galoc kasêlu jagac.” ¹⁷ Ma ka tau ñamakenj enj kêsap kêtú nê anôtô gwam ma kêpônj aduc to gêjam sakinj ma ketenj mec gêdêj gêj tau gebe “Ônam aêac kêsí gebe ñoc anôtô aôm.”

¹⁸ Lau tau tonanj sêjala gêj tenj atom ma nêj kauc masi gebe nêj matenanjô gêmôb e sêlic gêj tenj atom ma nêj ñalêlôm ñadani e sêjala gêj tenj atom. ¹⁹ Êsêac taênj gêjam binj tenj atomanô ma nêj kauc to jala gebe sêsôm binj amboac tonecña masi gebe “Ka tau ñamakenj aê kakêj kêsá ja ma gano ñoc gêj to kapac gwada e gêôc aê tôj ma ka tau ñamakenj aê oc jasap êtu gêj alôb-alôb tenj me. Aê oc japônj ocduc êndêj ka ñadambê tenj me.” ²⁰ Ñac tanj mata katu gêj ñaôma-ñaôma nanj, nê ñalêlôm dansanj gêjam gôlinj enj keso ma enj kêtôm gebe ênam tau kêsí atom. Enj kêtôm atom gebe êsôm binj tonec gebe “Gêj tanj lemoc anôña gêgôm nanj gêj dansanj.”

Apômtau enj Israelnêj kêsíwaga

²¹ “O Jakob ma Israel, taêm ênam binj tonanj, gebe ñoc sakinjwaga aôm.

Aê kamasanj aôm kôtu ñoc sakinjwaga.

O Israel, aê oc jalinj aôm sinj atom.

²² Aê gasenj nêma keso su amboac mu kêdaba tao ma nêma sec gê su amboac ômbinj.

Ômu ôndêñ aê ômôêñ gebe aê gajam aôm kêsi.”

²³ O undambêac, anam wê gebe Apômtau gêgôm
gêñ tau ñanô kêsa.

O nom ñalêlômac, anam lasê.

O lôcac, o saleñac to ñaka samob, apuc wê sa
gebe Apômtau gêjam Jakob kêsi
ma geoc nê ñawasi lasê ança Israel.

²⁴ Apômtau, nêñ kêsiwaga, tañ kêmasañ aôm ança
tênam têtaclêlôm nañ, kêsôm biñ tonec gebe

“Aê Apômtau, tañ kakêñ gêñ samob nañ.

Aê taucgeñ galam umbon ma gaja nom.

Asa gêmoa gêwiñ aê.

²⁵ Aê gasen laudansañ nêñ puc gebe ñanô êsa atom
ma gagôm lau-seoc-biñ-lasêwaga têtú meloc
ma kakêñ lau tokauc sênu taun su sêja
ma nêñ kauc kêtú meloc.

²⁶ Aê kapuc ñoc sakinwaganêñ biñ tôñ

ma gagôm ñoc jaenwaganêñ biñ ñanô kêsa.

Aê kasôm kêpi Jerusalem gebe ‘Lau oc sêngôn
tonec,’

ma kêpi malac Judaña gebe ‘Lau oc sêkwê malac
tonec sa

ma aê oc jajac malac ñapopoc sa êtiam.’

²⁷ Aê kasôm gêdêñ gwêc ñagêdim gebe ‘Ôtu kelen,

ma aê oc janğôm nêñ bu êpa.’

²⁸ Aê kasôm kêpi kin Kores gebe ‘Ñoc ñacgejob dom-
baña en

ma en oc êngôm ñoc biñ ñanô êsa.’

Aê kasôm kêpi Jerusalem gebe ‘Lau sêkwê malac
tonec sa êtiamman,’

ma kêpi lôm dabun gebe ‘Lau sênac m kôm sêkwê
aôm saña.’ ”

45

Apômtau kêjaliņ kiņ Kores sa

¹ Apômtau kêsôm biņ tonec gêdêņ
 nê ñac Kores, taņ geņ oso eņ naņ, gebe
 Aê kakam ênê lêma anôņa tôņ,
 gebe êku tentenlatu tulu êmuņ eņ
 ma êkwalec kiņnêņ ñakwê su to êlêc katam su eņ,
 gebe sênsaņ auc atom.

² “Aê oc jasêlêņ jamuņ aôm ma jaņgôm lôc êtu tapa
 ma jatuc katam ki popoc ma janac balaņ ki tulu-
 tulugeņ.

³ Ma oc jakêņ awa totau-totau, taņ sêsiņ gêc gamêņ
 ñakesec naņ, êndêņ aôm
 ma awamata, taņ sêjac sa gêc gamêņ ñakêsiņ naņ
 êwiņ.

Gebe ôjala gebe Apômtau Israelnêņ Anôtô aê,
 tec gamôêc aôm ña nêma ñaê anôgeņ,

⁴ kêtû ñoc sakiņwaga Jakobņa ma kêtû Israel, taņ
 kajaliņ sa naņņa.

Aê gamôêc aôm ña nêma ñaê anôgeņ.

Aôm gôjam kauc aê, mago aê gaê aômnnêm ñaê.

⁵ Aê Apômtau ma teņ gêmoa gêwiņ atom.

Anôtô teņ gêmoa gêwiņ aê atom.

Aôm gôjam kauc aê, mago aê gajam gêlôn aôm

⁶ gebe lau aņga oc kêpi to aņga oc kêsêpņa sêjala
 gebe Anôtô teņ gêmoa gêwiņ aê atom.

Aê Apômtau ma teņ gêmoa gêwiņ atom.

⁷ Aê kakêņ ñawê to kamasañ ñakesec.

Aê kamasañ gêņ ñajam ma kakêņ gêņwapac.

Aê Apômtau, taņ gagôm gêņ samob tonañ ñai naņ.”

Apômtau kêkêņ undambê to nom

8 “O undambêac, ansêwa anga lôlôc,
 ma bingêdêñ êsêp anga umboñ amboac kom gêjac.
 Nom tau êña gebe Apômtaunê moasinj ênam kêsinja
 êpoa
 ma êkêñ bingêdêñ êpi êwinj amboac tonanjen.
 Aê Apômtau kakêñ gêñ tau.”

9 Ojae êndêñ ñac, tañ gêjam saic biñ gêdêñ nê ñac-
 kêkêñ-enwaga nan.
 Eñ kêtôm kunom ten, tañ gêjac saic biñ gêdêñ ñac-
 gêjac-kuwaga nan.
 Nomku kêsôm gêdêñ ñac-gêjac-kuwaga gebe
 “Aôm gôgôm asagenj.” Kêsôm me.
 Ma kôm ñanô tau kêsôm gebe “Nêm lêmam ñamêtê
 masi.” Kêsôm me.

10 Ojae êndêñ ñac, tañ kêsôm gêdêñ tama gebe “Aôm
 kôka asagenj lasê,”
 ma kêsôm gêdêñ awê ten gebe “Aôm kôkôc asagenj.”

11 Apômtau, Israelnê ñac dabuñ, ma nê ñac-kêkêñ-
 enwaga kêsôm biñ tonec gebe
 “Amac abe atu kênac aê êtu latuciña me.
 Me abe ajatu aê êtu kôm, tañ lemoc êngôm nanña
 me.

12 Aê kakêñ nom ma kamasanñ ñamalac, tañ sêmoa
 nom nanñ.
 Aê lemoc kalainj undambê ma aê kajatu gêñ un-
 dambêña samob.

13 Aê kajalinj kinj Kores sa kêtû bingêdêñña
 ma janam nê intêna samob êtu solop.
 Eñ oc êkwê ñoc malac sa
 ma êngamboac ñoc lau kapoacwalôña su.
 Eñ êngôm êtu ñaôli to ñagêjô tenña atom.”
 Lausinj undambêña nêñ Apômtau kêsôm biñ tonanñ.

14 Apômtau kêsôm biñ tonec gebe
 “Awamata Aiguptu to Aitiopia ñagêñ têtuluña
 ma lau waso-waso aña Seba oc dëndêñ aôm sêmêñ
 ma têtü nêñ gêñ.

Êsêac sêndañguc aôm. Êsêac sêmêñ
 tokapoacwalôgeñ
 ma sêpôñ aenduc êndêñ aôm ma têtan êndêñ aôm
 gebe

‘Anôtô gêmôa gêwiñ aômgeñ
 ma anôtô teñ gêmôa gêwiñ atomanô.’ ”

15 Biññanô, aôm Anôtô, tañ kôsiñ taôm nañ.
 O Israelnêñ Anôtô aôm kêsiwaga tau.

16 Êsêac sêkôninêñ nêñ ñacjo samob tônia ma sêñgôm
 êsêac majenêñ êsa.
 Lau-sêsap-gwamwaga sêc sêwiñ taun tomajengeñ
 sêja.

17 Mago Apômtau gêjam Israel kêsi
 ma oc ênam êsêac kêsi endenêñ tônia.

Êsêac oc sêkôninêñ amac to sêñgôm amac majem êsa
 atom endenêñ tônia.

18 Gebe Apômtau, tañ kêkêñ undambê nañ, en
 taugenêñ Anôtô

ma kêkêñ to kêmasañ nom e ñajaña kêsa.

En kêkêñ gêñ tau wauc-waucgeñ atom,
 en kêmasañ kêtü lau sêñgônia.

Apômtau tonañ kêsôm biñ tonec gebe

“Aê Apômtau ma teñ gêmôa gêwiñ atom.

19 Aê gajac biñ kesec gamoa gamêñ ñakesecña atom.

Aê kasôm gêdêñ Jakobnê wakuc atom gebe

‘Ansom aê aña gêñ wauc-wauc ñalêlôm.’

Aê Apômtau kasôm biññanôgeñ,

aê kasôm biñ lasê gêc awêgen.

Anôtô ñanô to anôtôi dansañ Babilonña

20 “Amac tentenlatu ñapopoc, tañ asêp sinj sawa nan, amên akac taôm sa api tagen.

Lau tañ sêbalañ nêñ gwamka sêwêgen
ma teten mec gêdên anôtô ten,
tañ kêtôm gebe ênam êsêac kêsî atom nan,
lau tonañ nêñ kauc masi.

21 Awa nêp biñ sa ma akên nêp biñ tau êsa êmên
ma amansañ biñ awiñ taôm.

Asa gêjac miñ biñ tonec gêdên andañgen.

Ma asa geoc biñ tau lasê wanêcgen su.

Aê Apômtau kasôm atom me.

Anôtô ten gêmoa gêwiñ aê atom.

Aa Anôtô ñanô to kêsîwaga ma ten gêmoa gêwiñ
atom.

22 “O nom ñamadiñ samobac, akac taôm ôkwi andên
aê amên

ma janam amac kêsî

gebe aê Anôtô ma ten gêmoa gêwiñ aê atom.

23 Aê katôc lemoc kêpi tauc

ma biññanô kêsî aê aocsuñ,

biñ tau êmu êndên aê êmên étiam atom.

Lau samob sêpôn aenduc êndên aêgen

to lemen samob têtôc êpi aê

ma samob sêsôm gebe

24 ‘Biñgêdên to ñaclai ñam kêsêp Anôtô taugen.

Lau samob, tañ sêjam saic biñ en nan, oc dêndên en
sêna tomajen.

25 Israelnên wakuc samob oc ôlin êpi ma waen êsa
êtu Apômtauñagen.’ ”

46

Nom ñaApômtau to lau Babilon nêj anôtôi jaba

¹ “Babilonnêj anôtôi gêbacnê. Gêmunğen lau Babilon sêjam sakin Bel agêc Nebo, mago galoc sêkêj anôtôi tonaj gêsac donki ñaô. Bôc tekwen gêbac ma sêbalağ gêj tau kêtú waba gêsac êsêac ñaô. ² Gwam kêtôm gebe ênam tau sa atom. Nacjo sêjanğo su ma sêbalağ sêja kapoacwalô.

³ “O gôlôac Jakob to gôlôac Israel nêj lau ñapopoc, aňô ñoc biğ. Aê kasip amac sa gêdêj tağ tenemi sêkôc amac to amac asa amêj nağ, e mênğêdêj galoc. ⁴ Amacnêm Anôtô aê. Aê janam jaom amac e atu lau ñanô tomôdê. Aê kakêj amac ma jajop amac ma aê oc janam amac sa to janam amac kêsi.

⁵ “Oc anam dôğ aê êpi ñac ondoc gebe aêagêc atôm tağ. Nac ondoc kêtôm aê ma amac oc ansaê aê katôm asa. ⁶ Lau sêsêwa nêj gold sa aňga nêj talu ma sêjam dôğ nêj silber. Êsêac sêjam ôli kwalam lanğwa teğ gebe êmansağ nêj gold êtu gwam ma sêpôğ aenğduc to sêjam sakin gêj tau.

⁷ Êsêac sêoc gêj tau sa ma sêbalağ jagêsac magiğm jatetoc geğ tau kêkô ñamala ma gacgeğ kêkô tônê. Gêj tau katôm gebe êwi ñamala tau siğ atom. Nac teğ awa embe ênac oc êjô eğ awa atom to ênam eğ sa aňga gêğwapac atom.

⁸ “Amac tağ ajam dêmôêm aê nağ, taêm ênam biğ tonaj ma asala gêj, tağ gagôm nağ. ⁹ Taêm ênam gêj, tağ gagôm gêdêj andağgeğ, ajala gebe Anôtô aê taucgeğ ma teğ kêtôm aê gêmoa atomanô. ¹⁰ Gêdêj tağ gajac m ñoc kôm nağ, kasôm kôm ñatêpôê lasê kwanağgeğ. Gêdêj andağgeğ aê gaoc biğ, tağ oc mênêsa su nağ lasê. Aê kasôm gebe ‘Biğ

tañ taêc gêjam nan oc êkô ma gêñ samob, tañ gabe janngôm ñanô êsa nan, oc janngôm ñanô êsa.’ ¹¹ Aê gamôêc ñac teñ gebe êmên anga oc kêpiña. Eñ oc êpôp êsêp amboac kikiç gebe êngôm biñ, tañ aê taêc gêjam nan, êtu anô. Aê kasôm tec oc ñanô êsa.

¹² “Amac gêsumtêkwa ñatonwaga, tañ ajam kauc gebe bêc jaku ñacjo tulunja gêc jaêc nan, anô ñoc biñman. ¹³ Aê kakên bêc jaku ñacjo tulunja kédabiñ. Bêc tau gêc jaec atom. Noc janam amac kêsiña ênam tau tôñ atom. Aê gabe janam Jerusalem sa ma jatoc Israel sa anga tônê.”

47:1–48:22 Sêku malac Babilon tulu ñawê kêsêp môkêlatu 47. Môkêlatu 48 kêtôc Anôtônê lêñ gêjam gôliñ lau-mña to gêjam nê lau saña.

49

Apômtaunê sakiñwaga kêtú tentenlatunêñ ja

¹ O amac nucac, anô ñoc biñ ma amac lau gamên jaêcñaac, akên tañem. Apômtau kêkalem aê gêdên tinoc kêkôc aê atomgen. Eñ gê aênoc ñaê anga tinoc têtacclêlôm.

² Eñ gêgôm aocsun ñamata amboac bôjan ma kêsiñ aê gamoa nê lêma ñalabu. Eñ gêgôm aê katu sôb ñawanic sawa teñ ma kêsiñ aê ôkwi kasêp nê atali sôbña ñalêlôm.

³ Eñ kêsôm gêdên aê gebe “Ñoc sakiñwaga aôm, Israel, aôm oc ôwaka ñoc waec sa.”

⁴ Mago aê kasôm gebe “Aê gaim tauc su ma kajain ñoc ñaclai ñaômagen. Mago ñoc biñgêdên gêc Apômtaunja

ma ñoc ñaôli gêc ñoc Anôtôña.”

⁵ Ma galoc Apômtau, tañ kêmasañ aê anğa tinoc têtacelêlôm,
gabe jatu ênê sakinwaga nan, kêsôm gebe
Jakôc Jakob êmu êndêñ enj êna êtiam
ma Israel sênac tauñ sa sêndêñ enj sêna.
Tec Apômtau ketoc aê sa
ma ñoc Anôtô kêtú ñoc ñaclai ñam.

⁶ Enj kêsôm gebe “Aôm kôtu ñoc sakinwaga
gebe ômbôa Jakobnê gôlôac sa
ma ôkôc Israelnêñ lau ñapopoc sêmu sêmêñ êtiam
necgeñ atom,
aê oc jakêñ aôm ôtu tentenlatunêñ ja amboac
tonañgeñ
gebe ñoc moasiñ janam lau kêsiña naêndêñ nom
ñamadiñ.”

⁷ Biñ tonec Apômtau, Israelnê kêsiwaga ma nê ñac
dabuñ
kêsôm gêdêñ enj, tañ lau sêsu enj susu ma tentenlatu
sedec enj
ma gôlinwaga sêlic enj kêtú gêñôma nan, gebe
“Kinj oc sêlic aôm ma dêndi sa êtu aôm ña
ma kasêga oc sêpôn aenđuc êndêñ aôm
êtu Apômtau ñañêñ, tañ kêtú Israelnê ñac dabuñ
ma kêjaliñ aôm sa nanña.”

Apômtau gêjac mata gebe sêkwê Sion sa êtiam

⁸ Apômtau kêsôm biñ tonec gebe
“Aê kakêñ tañoc aôm gêdêñ têm moasiñña
ma gajam aôm sa gêdêñ bêc gajam lau kêsiña.
Aê gajob aôm ma kakêñ aôm kôtu poac gêdêñ lau,
gebe jamboia nêñ gamêñ sa êtiam

ma janac sam nêḡ nomlênsêm, taḡ kêtḡ gasaḡ naḡ.

⁹ Tec jasôm êndêḡ lau kapoacwalôḡa gebe ‘Asa amêḡ,’

ma êndêḡ êsêac, taḡ sêḡgôḡ ḡakesec ḡalêlôm naḡ,
gebe

‘Asa awê amêḡ.’

Êsêac oc têtap nêḡ mo sa aḡa intêna
to sêlôm taḡ aḡa lôc kwalam.

¹⁰ Mo to bu oc êjô êsêac atom

ma mu ḡandaḡ to oc oc êpac êsêac atom
gebe ḡac, taḡ taê walô êsêac naḡ, oc ejoḡ êsêac
ma êwê êsêac sêndêḡ bumata.

¹¹ Aê oc jaḡgôm ḡoc lôc samob êtu intêna
ma jamansaḡ intênasêga samob êtu solop.

¹² Alic acgom, lau ḡagêdô oc sêmêḡ aḡa jaêc
ma ḡagêdô aḡa nodo to aḡa oc kêsêḡḡa
ma ḡagêdô aḡa gamêḡ Siene.”

¹³ O undambêac, anam lasê. O nom, ḡaôndu êpi.
O lôcac, lasê êtaḡ

gebe Apômtau gêjac nê lau têtac tôḡ
ma taê walô nê lau, taḡ sêôc wapac naḡ.

¹⁴ Mago Sion kêsôm gebe “Apômtau gêwi aê siḡ,
ḡoc Apômtau kêliḡ aê siḡ.”

¹⁵ “Awê teḡ oc êtôm gebe êliḡ nê gêḡ dedec siḡ
ma taê walô nê têtacêlôm ḡaḡanô atom me.
Ma embe êliḡ siḡ, naḡ aê oc jaliḡ aôm siḡ atomgoc.

¹⁶ Ôlic acgom, aê gajac bô nêḡ ḡaê gêc lemoc tapa,
nêḡ tuḡbôm kêkô aê laḡôcnêḡ ḡapaḡ.

¹⁷ Nêḡ lau-sêkwê-aôm-sawaga sêlêtigeḡ sêmêḡ
ma êsêac, taḡ seseḡ aôm su to sêgôm aôm kêtḡ
gasaḡ naḡ, sêc sêja.

18 Oc matamanô sa ma ôlic.
 Êsêac samob sêkac tauᅇ sa dêdêᅇ aôm sêmêᅇ.”
 Apômtau kêsôm gebe “Aê jasôm êtu tôᅇ gebe
 aôm oc ônam êsêac samob sa êtu nêm gêlôᅇ
 ma ôjandiᅇ êsêac amboac awê gebe ênam ᅇacᅇa
 kêjandiᅇ nê ômbiᅇkap.

19 “Biᅇᅇanô, nêm malac gasaᅇ to ᅇaalê katur
 ma nêm gamêᅇ, taᅇ lau sesaᅇ su naᅇ,
 oc êtu saur-saur êtu nêm laur
 ma êsêac, taᅇ sesaᅇ aôm su naᅇ, sêc su jaêcgeᅇ sêja.

20 Nêm gôlôac, taᅇ kôkôc gêdêᅇ gôᅇgôᅇ tonalêlôm
 ᅇawapacgeᅇ naᅇ,
 oc sêsôm êsô taᅇamsur gebe
 ‘Gamêᅇ tonec e kêtur saur-saur ma kêtôm aê atom,
 ôᅇgôm ᅇasawa êtu kapôêᅇ gebe êtôm aê jaᅇgôᅇᅇa.’

21 Ma aôm oc ôsôm êndêᅇ taôm gebe
 ‘Asa kêkôc gôlôac tonec.
 Aê awê kapoac ma ᅇoc ᅇapalê masi.
 Êsêac sêkêᅇ aê gaᅇgôᅇ kapoacwalô aᅇga gamêᅇ
 jaêc
 ma lau tonec asa gêlôm êsêac,
 sêwi aê siᅇ gamoa taur,ᅇ
 tec lau tonec sêmêᅇ aᅇga ondoc.’ ”

22 Apômtau Anôtô kêsôm biᅇ tonec gebe
 “Alic acgom, aê oc jaôc lemoc sa êndêᅇ lau samuc
 ma oc jakêᅇ puc êndêᅇ lau tomôkê-tomôkê
 ma êsêac oc sêsip nêm latômi tamiᅇ bôᅇdagi
 ma sêkuc nêm latômio sêᅇgôᅇ magiᅇᅇ ᅇaô sêmêᅇ.

23 Ma kiᅇ oc têtur tamemi sêpô mo amacᅇa,
 ma nêᅇ kwir oc sêlôm amac têtôm tenemi.

Êsêac oc sêpôn aenduc êndên amac lanjônânô êsêp
nomgeņ

ma oc sêlêsoþ kekop anġa emkainġ.

Go amac ajala gebe aê Apômtau.

Ma êsêac, taņ sêôn aê naņ, oc majen ėsa atom.”

²⁴ Lau têtôm gebe sêjaņgo ŋactêkwanê waba su me.

Êsêac têtôm gebe sênam gôliņ-waganê lau
kapoacwalôņa kêsi me.

²⁵ Mago Apômtau kêsôm biņ tonec gebe

“Aê oc janam ŋactêkwanê lau kapoacwalôņa kêsi
ma jajaņgo gôliņwaganê waba su.

Aê oc janac siņ êndên êsêac, taņ sêjac aôm naņ,

ma janam nêġ gôlôac wakuc kêsi.

²⁶ Êsêac taņ sêkôninġ aôm naņ, oc jakêņ êsêac sêniņ
tauņ nêņ ŋamêsôm

to sênôm tauņ nêņ dec e êjaņinġ êsêac êtôm wain
kêjaņinġ lau.

Go ŋamalac pebenġ sêjala gebe aê Apômtau, Jakobnê
ŋaclai,

nêġ kêsiwaga to nêġ gêġam-sawaga.”

50

¹ Apômtau kêsôm biņ tonec gebe

“Teneminênġ papia-gajac-sêmôcwalô-gêġgicġa,
taņ êsêac sêkôc gêdênġ aê gawi êsêac siņņa naņ, gêc
ondoc.

Ma ŋac ondoc nê tôþ gêc aê

gebe kakêņ amac gêdênġ eņ aja.

Alicgac me, aê kakêņ amac gêdênġ lau sêġam ôli
amac kêtġ nêġ secġa

ma aê gawi tenemi siņ kêtġ êsêac tauņ nêņ geoņa.

2 “Amboac ondoc, gêdêñ tañ aê gaô lasê nañ, ñac
 teñ gêmôa atom.
 Ma gêdêñ tañ aê gamôêc nañ, teñ gêjô aêñoc biñ
 atom.
 Ñoc lemoc kêtú dambê tec janam kêsi janğôm êtôm
 atom me.
 Ñoc ñaclai kêtú palê, tec janam sa atom me.
 Alicgac me, aê gaec biñ ma gwêc ñakelen kêsa.
 Aê gajam bu ôkwi kêtú gamêñ sawa
 e i sêpô lêna kêtú buña
 ma bu gêjô êsêac êndu.
 3 Aê kakêñ umbonj kêsô majañ kêtú nê ñakwê
 to kakêñ talu katu nê gadê abecña.”

Anôtônê sakinwaga taña wamu êsa

4 Apômtau Anôtô kêkêñ imbeloc jandônj lauña
 gêdêñ aê
 gebe jasôm ñalô ñajam êndêñ lau tekwenj gêbac.
 Kêtôm bêcgenj samob enj kêmasañ aê tañocsunj gebe
 janjô biñ
 kêtôm lau tokauc sêñô.
 5 Apômtau Anôtô gêjac aê tañocsunj lasê
 ma aê gadec ma gajam dêmôêc atom.
 6 Aê kakêñ dêmôêc gêdêñ êsêac, tañ si lau ña sêm
 nañ,
 ma alicanô gêdêñ êsêac, tañ sêbu ñoc sêm sa nañ.
 Aê kakwa lanjôanô auc gadêñ lau,
 tañ sêsu aê susu to sêkasôp kêpi aê nañ atom.
 7 Mago Apômtau Anôtô gêjam aê sa,
 tec tecbeloc ñawapac kasa atom.
 Aê kamasañ lanjôcanô kêtôm poc
 ma kajala kwananjenj gebe êsêac têtôm gebe
 sêñğôm aê majoc êsa atom.

⁸Enj tanj oc êwaka njoc binjêdênj sa nanj, gêmoa njagala.
Asa gebe ênjgôlinj binj êpi aê.
Dawinj tauj dandênj enj tana.
Njoc sonjo-sonjo ondoc.
Enj mênêtu gasuc aêmanj.

⁹Alic acgom, Apômtau Anôtô gêjam aê sa.
Asa oc ênjgôm aê jangônj naeo.
Alic acgom, êsêac samob oc têtû manê amboac
njakwê tenj,
tanj bulesenj senj nanj.

50:10–51:23 Propete gêjac Anôtônê launênj
njâlêlôm tônj ma geoc lasê gebe Anôtônê binj, tanj
gêjac mata gebe ênam nê lau kêsi to êkênj êsêac têtû
wakuc nanj, oc njanô êsa.

52

Anôtô ênam Sion kêsi anjga kapoacwalô

¹O Sion, matam êlac, ôsô nênj njac lai sa.
O malac dabunj Jerusalem, ôsô nênj njakwê njawasi sa
gebe lau samuc to lau njatêmui tenj oc sêsô sêmênj
êtiam atom.

²O awê kapoacwalônja Jerusalem, okolonj kekop su
anjga taôm ma ôndi sa.

O latuo kapoacwalônja Sion, ôkac lêpoa su anjga
gêsumtêkwa.

³Apômtau kêsôm gebe “Lau sêkôc aôm ma sêkênj
njâoli tenj gêjô aôm atom, tec oc janam aôm kêsi
tonjâoli masigenj amboac tonanjenj. ⁴Gêmunjenj
njoc lau sêsêp Aiguptu sêja sebe sênjgônj tônê. Go
lau Asuria sêlêsu êsêac njâomagenj. ⁵Ma galoc aê
galic asagenj anjga tonec. Êsêac sêjanjo njoc lau su
njâomagenj ma nênj gôlinjwaga sêsu êsêac susu, go

sêjainj ñoc ñaê kêtôm bêcgenj ñapanj. Apômtaunê binj tonec. ⁶ Kêtu tonanña ñoc lau oc sêñô ñoc ñaê êtu tôñ ma êndênj bêc ônê oc sêjala gebe aê taucgenj tec kasôm gebe Aê tau tonec.”

⁷ Op, ñawae-ñajamwaga, tañ mênjkêpi lôc nanj, akainj ñakicsêa ñajamanô.

Enj kêsôm wama lasê to kêkênj ñawae ñajam gêmênj ma kêsôm moasinj Anôtô ênam aêac kêsijnja lasê to kêsôm gêdênj Sion gebe
“Nêm Anôtô kêtú kinjac.”

⁸ Ôñô, nêm dibwaga sêôc awenj sa ma sêjam lasê gebe tañj matenjanô sêlic Apômtau gêmu gêmênj Sion kêtiam.

⁹ O Jerusalem ñapopoc, ôpuc wê sa ma ônam toôndugenj gebe Apômtau gêjac nê lau têntac tôñ ma gêjam Jerusalem kêsi.

¹⁰ Apômtau kêmêtôc nê lêma dabunj gebe tentenlatu samob sêlic ma nom ñamadinj samob sêlic aêacnênj Anôtônê moasinj gêjam lau kêsijnja.

¹¹ Ajôc, ajôc, awi gamênj tonec sinj, amosac gênj ñatêmui atom. Amac tañ abalanj Apômtaunê laclu nanj, awi gamênj tonec sinj ma amansanj taôm atu selec.

¹² Gebe amac oc asa akacgenj atom me aêc su amboac lau sêc sinj atom gebe Apômtau oc ejop amac ma Israelnênj Anôtô oc êkwa amac auc.

Apômtaunê sakinwaga nê ñandanj

13 “Alic acgom, ñoc sakinwaga oc êtap kôm ñamoasin sa,

oc sêkian en to tetoc en sa e êngôn lólôcgen.

14 Lau taêsam têtakê kêtû enña gebe sêlic en ôli todecgen kêtôm ñamalac atom ma lanjânô kêtôm ñamalacnêñ atom.

15 Ma tentenlatu taêsam oc têtakê êtu enña amboac tonanjen.

Ma kin oc sêkaptic awenjsun êtu enña gebe êsêac oc sêlic gêñ, tan lau sêkên ñawae gêdên êsêac atom nan,

ma sêjala gêñ, tan sênô ñawae su atom nan. * kin Kores kêkên laclu tau lau sejon sêmu sêja.

53

1 “Asa kêkên gêwin bin, tan aêac tanjô nan.

Ma Apômtaunê lêma ñaclai geoc tau lasê kêpi asa.

2 Gebe ñac tau kêpuc kêtôm ka ñasêli ten aêac talic, kêtôm ñawakac ten kêpoa anga nom ñakelen.

Ênê ñakatu to ñawasi gebe êmansan aêac matenjanô ñajamña masi.

Ma ênê lanjânô gêjac aêac matenjanô ñajam atom.

3 Ñamalac sêsu en susu to sêsu sam su en.

En ñac togênwapac, tan kêjala ñandan gêmacña kêtû tôn.

En kêtôm ñac, tan lau sêsan lanjônjanô auc gêdên en nan.

Êsêac sêsu en susu, ma aêac talic en amboac gêñ ñaôma.

4 “Binjanô, en kêbalan aêacnên gêmac

* 52:15: Laclu lôm dabunja tau tonec. Lau Babel sêjanjo su ma

to kêsip aêacnêñ gêñwapac sa,
mago aêac tec talic eñ kêtôm ñac, tañ Anôtô kêlêsu
to gêjac ma kêkôninîñ tòn eñ nañ.

⁵ Tajeñ sêgun eñ ôli lasê kêtû aêacnêñ geonja
ma sêjac eñ ôli popoc kêtû aêacnêñ secña.
Ma ñagêjô, tañ eñ kêtap sa nañ, kêkêñ aêac tamoa
toôlinîñ samucgen
ma ênê sêmmala gêgôm aêac ôlinîñ ñajam kêsa.

⁶ Aêac samob dajo tatôm domba gêbôm
ma tasa tauñ nêñ lêñ gêdêñ-gêdêñgen.
Ma Apômtau gêu aêacnêñ sec samob jagêscac eñgen.

⁷ “Sêjac to sêlêsu eñ, mago kêtaj atom.
Sejon eñ amboac domba, tañ sebe sêmbucña
ma amboac domba ñalatu, tañ sebe sêkapiñ ñaôlilu
nañ,
ma kêtaj atom.

⁸ Gêdêñ tañ sêkôninîñ eñ nañ, sêmêtôc eñ kêtôm
ñagôlinîñ atom.

Asa kêtôm gebe ênac ênê wakucnêñ minî.
Oc masi gebe sesen eñ su aña nom
ma sêjac eñ êndu kêtû ñoc launêñ geonja.

⁹ Sêkwê ênê sê gêc gêwinîñ lau alôb-alôb nêñ
ma sêsun eñ gêc gêwinîñ lau tolêlôm.
Mago ñac tau gêgôm keso teñ atom
ma binîdansañ teñ kêsa eñ awasunîñ atom.

¹⁰ “Mago Apômtau gêlic ñajam, tec kêkêñ ñandañ kêpi
eñ to kêkôninîñ eñ ña gêmac.

Ñac tau embe êkêñ tau êtu da êjô sec su,
oc êlic nê wakuc ma êmoa bêc gwalêkinîñ
to binî, tañ Apômtau taê gêjam nañ, oc êngôm êtu
anô.

11 Enj oc êlic nê katu ôluņ-ôluņ tau ŋaņanô e têtac
 ŋajam êsa ma êôc enj katu tôņ.
 Aêņoc sakiņwaga gêdêņ tau nê ŋandanj gêgôm lau
 taêsam têtû lau gêdêņ
 gebe enj gêôc nêņ sec gêjô êsêac su.
 12 Amboac tonanj gabe jakêņ enj êwê kainj gêņlênsêm
 êwiņ lau towae
 ma êwê kainj lau ŋajaņa nêņ siņ ŋanô êwiņ
 gebe enj kêkêc nê dec siņ ma gêmac êndu
 ma sêsam enj gêwiņ lau sec,
 enj taņ gêôc taêsam nêņ sec su
 ma ketenj mec kêtû secwagaņa nanj.”

54

Apômtau têtac gêwiņ Israel gedenj tôņgenj

1 Apômtau kêsôm gebe
 “O awê kapoac, taņ kôkôc ŋapalê atom nanj, ôpuc wê
 sa.
 Aôm awê, taņ ŋapalê kêtunj aôm atom nanj, ônam wê
 toôndugenj ma têtac ŋajam êsa.
 Gebe awê sawa nê ŋapalê taêsam kêlêlêc awê toņac
 nê su.
 2 Ônac têku nêm andu
 ma ôņgôm nêm balêm ênac tau jaê,
 ôņgamiņ salôm to waba anduņa atom.
 3 Gebe aôm oc ôtu taêsam ma ônam gamêņ, taņ gêc
 nêm anô to gasêņa nanj auc.
 Ma nêm wakuc oc sêwê kainj tentenlatu têtû nêņ
 gêņlênsêm
 to sêņgônj malac gasaņ samob auc.
 4 “Ôtêc taôm atom, gebe sêņgôm aôm majam êsa
 atom.

Ma têmbêlam ñawapac êsa êtu sêsu aôm susuña atom.
 Gebe gêñ, tañ gêgôm aôm majam kêsa gêdêñ aôm
 ñapalêgeñ nan, oc ôliñ siñ
 ma taêm ênam kôtu awêtuc ñabiñ wapac êtiam
 atom.

⁵ Gebe ñac, tañ kêkêñ aôm nan, kêtû nêñ akweñ,
 nê ñaê gebe Lausiñ undambêña nêñ Apômtau.
 Ma Israelnêñ ñac dabuñ kêtû nêñ kêsiwaga,
 sêsam eñ gebe Nom samucgeñ ñaAnôtô.

⁶ Gebe Apômtau gêmôêc aôm
 amboac gêmôêc awê, tañ nê akweñ gêwi eñ siñ ma
 gêñgôn tonjalêlôm ñawapacgeñ nan,
 ma amboac awê, tañ ñac wakuc kêtiñ eñ su nan.
 Nêñ Anôtônê biñ tau tonec.

⁷ Aê gawi aôm siñ têlageñ,
 mago taêc walô aôm ñanô, tec jajoñ aôm sa êtiam.

⁸ Aê têtac ñandan sec, tec gasañ lanôcanô auc gêdêñ
 aôm têlageñ,
 mago kêtû aêñoc têtac gêwiñ tengeñña aê oc taêc
 walô aôm.
 Apômtau, nêñ kêsiwaga, nê biñ tau tonec.

⁹ “Aê galic têm tonec kêtôm Noanê bêc.
 Aê katôc lemoc gebe Noanê bu êsuñ gamêñ sa êtiam
 atom,
 tec aê katôc lemoc amboac tonanğeñ gebe oc têtac
 ñandan êndêñ aôm
 to jaec biñ aôm êtiam atom.

¹⁰ Lôc oc êc su ma gamêñ ñabau oc ñawiwic-êsa,
 mago ñoc têtac gêwiñ tengeñña oc êwi aôm siñ atom
 ma ñoc poac wamaña oc ñawiwic êsa atom.
 Apômtau tañ taê walô aôm nan, nê biñ tau tonec.”

Jerusalem wakuc

11 “Aôm taŋ gômoa jageo ma gamêŋ kêlaŋgaŋ aôm
 ma teŋ gêjac aôm têmtac tôŋ atom naŋ,
 ôlic acgom, aê jakêŋ nê m alê êkô poc ŋaô
 ma jau nê m demboŋ ênsac pocawa ŋaô.

12 Aê oc jamansaŋ nê m bôcdêmôê ŋa pocawa kokoc
 to nê m katam ŋa pocawa ŋaôsic-ôsic
 ma nê m sagiŋ samob ŋa poc ŋawasi tokaiŋ-tokaiŋ.

13 Apômtau tau oc êndôŋ nê m latômi samob
 ma nê m wakuc oc têtap kôm ŋamoasiŋ kapôêŋ sa.

14 Aôm oc ôkô biŋgêdêŋ ŋaô.

Lau teŋ oc sêkôniŋ aôm tôŋ atom, tec ôtêc taôm
 atom.

Ma gêŋ êtakê aômŋa oc êndambiŋ aôm atom, oc ênac
 jaê aôm.

15 Lau teŋ embe sêkêŋ kisa êndêŋ aôm, naŋ ŋam
 êsêp aê atom
 ma aôm taôm oc ôku ŋac, taŋ ênac siŋ êndêŋ aôm naŋ
 tulu.

16 Ôlic acgom, aê kakêŋ ŋac-kêpac-kiwaga, taŋ gêguc
 ja

gebe êmansaŋ waba siŋŋa naŋ,
 ma kakêŋ ŋac, taŋ enseŋ waba tau su naŋ, amboac
 toŋaŋ.

17 Waba siŋŋa, taŋ sêmasaŋ gebe sênac aômŋa naŋ,
 ŋateŋ êpi aôm atom

ma lau, tan têtin biŋ êpi aôm naŋ,
 aôm oc ôwa êsêacnêŋ dansaŋ sa êndêŋ noc mêtôcŋa.
 Gêŋ tonaiŋ kêt u Apômtaunê sakiŋwaganêŋ
 gêŋlênsê m

ma kêt u moasiŋ, taŋ kakêŋ gêdêŋ êsêac naŋ.
 Apômtaunê biŋ tau tonec.”

55

*Apômtau gebe êkêḅ nê taê walô êndêḅ lau samob
ḅaômagenḅ*

¹ “Ajôc, amac lau, taḅ bu gêḅô amac naḅ, samob
andêḅ bu amêḅ.

Ma amac, taḅ nêḅ mone masi naḅ, amêḅmaḅ.

Akôc ma aniḅ.

Mêḅakôc wain to su ḅaôma toḅaôli masigenḅ.

² Amboac ondoc, tec ajaiḅ nêḅ mone kêḅi gêḅ, taḅ
gêlôm amac amboac mo atom naḅ,
ma nêḅ kôm ḅaôli gêḅô gêḅ, taḅ gêôc amac tôḅ atom
naḅ.

Anô, anô ḅoc biḅ ma oc aniḅ geḅ ḅajam
ma nêḅ katôm oc êtap moasiḅ ḅajam sa.

³ Akêḅ taḅem ma andêḅ aê amêḅ.

Anô gebe nêḅ katôm oc sêḅgôḅ matenḅ jali.

Aê oc jamoatiḅ poac teḅgeḅḅa êndêḅ amac

êtu têtac gêwiḅ teḅgeḅḅa, taḅ gajac mata gêdêḅ
Dawid naḅḅa.

⁴ Ôlic acgom, aê kakêḅ eḅ gêwa biḅ sa gêdêḅ lau
tomôkê-tomôkê,

ma kêtu tentenḅlatunêḅ ḅatau to gôliḅwaga.

⁵ Ôlic acgom, aôm oc ômôêc lau tomôkê-tomôkê, taḅ
gôjam kauc êsêac naḅ,

ma lau tomôkê-tomôkê, taḅ sêjam kauc aôm naḅ, oc
dêndêḅ aôm sêwac

êtu Apômtau, aômnêḅ Anôtô ma Israelnêḅ ḅac
dabuḅ, taḅ kêwaka nêḅ ḅawasi sa naḅḅa.”

⁶ Ansom Apômtau, gebe têḅ atap eḅ saḅa tec gêc.

Aweḅ ênac eḅ, gebe gêmoa amac ḅagala.

⁷ ḅac sec êwi nê lêḅ siḅ

ma ñac alôb-alôb êwi nê biñ, tañ taê gêjam nanñ sin
 ma êmu êndêñ Apômtau êna êtiam
 gebe eñ tau oc taê walô eñ.
 Eñ êmu êndêñ aêacnêñ Anôtô êna gebe eñ oc êsuc
 ênê sec ôkwi samucgen.

⁸ Apômtau kêsôm gebe “Biñ, tañ aê taêc gêjam nanñ,
 kêtôm biñ, tañ amac taêm gêjam nanñ atom,
 ma amacnêm lêñ kêtôm aêñoc lêñ atom,
⁹ gebe ñasawa, tañ genñ aêñoc lêñ to amacnêm lêñ
 ma biñ, tañ aê taêc gêjam to biñ, tañ amac taêm
 gêjam nanñ, gêñgic nanñ,
 kêtôm ñasawa, tañ genñ undambê to nom gêñgic nanñ.

¹⁰⁻¹¹ “Aêñoc biñ oc êtôm kom to sno gêjac kêsêp anña
 umbonñ gêmêñ
 ma oc êmu êpi êtiam atom
 e êmalôm nom ma ñawê êpoa to êlêc sa
 ma êkêñ ñawê êndêñ ñac-kêpalip-ñawêwaga
 to êkêñ mo gebe lau sêniñ.
 Ma aêñoc biñ, tañ kêsâ anña aocsunñ gêja nanñ,
 oc êmu êmêñ tonanômê atom amboac tonanñenñ.
 Oc ênam kôm êtôm tañ aê taêc gêjam nanñ.

¹² “Gebe amac oc asa totêmtac ñajamgenñ ana
 ma jawê amac tobiñmalôgenñ.
 Lôc to gamêñ ñabau oc lasê êtañ êtu amacña
 ma ka saleñña samob oc sêmakop lemenñ.
 Ma kêmêsic oc êpi êjô gêñ têkwa-têkwa
 ma môsi êpi êjô locgôm
 ma gêñ tonanñ êñgôm Apômtaunê wae êsa
 ma êtu ñabelo tenjenñña, tañ sensenñ su atomanô
 nanñ.”

56:1–57:21 ñalôtêna ñagêdô, tañ kêkanôn ñin takêñ gêwiñña to ñamalacnêñ lêñ sêwi Anôtô sinña nan, kêsêp ñasêbu tonec. Ñasêbu tau ñabin ñamuña gêjac mata gebe Anôtô ênam nê lau sa to gêjac mata gebe ênam êsêac kêsî.

57

Sakiñ Anôtônê gêdêñ to keso

¹ Apômtau kêsôm gebe “Ômôêc ôpuc awam sagen. Ôc awam sa amboac dauc kêtañ. Ôsôm ñoc lau nêñ ñin alôb-alôb lasê êndêñ êsêac to ôwa gôlôac Jakob nêñ sec sêgômña sa. ² Êsêac sesom aê kêtôm bêcgeñ ma têtac gêwiñ sebe sêjala ñoc intêna. Kêtôm lau, tañ sêgôm gêñ mansañ ma sêwi nêñ Anôtônê ñagôlinj sinj atom. Êsêac teten aê kêtû mêtôc gêdêñña ma ñalêlôm kêkac êsêac gebe têtû gasuc Anôtônâ.”

³ Ma lau têtû kênac gebe “Aôm embe ôlic aêac atom, go anam dabuñ mo êtu asagenña. Ma embe ôsala aêac atom, go atu mêtê taunj êtu asagenña.”

Tec Apômtau kêsôm gêdêñ êsêac gebe “Alic acgom, gêdêñ bêc ajam dabuñña amac agôm nêñ gen, tañ taêm gêjam nan, to akôninj nêñ kômwaga samob. ⁴ Alic acgom, amac ajam dabuñ mo gebe asôm to ajac taôm ma apenj taôm ña lememe. Dabuñ tañ amac agôm nan, dabuñ ñanô gebe jakêñ tañoc nêñ mec anja lôlôc nec atom. ⁵ Tonañ dabuñ tenj, tañ gêjac aê matocanô ñajam nan me. Bêc tenj gebe ñamalac tenj êkêñ ñandanj êndêñ tau ôli me. Tonañ ñalêñ gebe mômêapac ênac tuluc amboac sinj tenj gêjac bic ma êsô talu êtu nê ñakwê ma êlinj waô me. Aôm kôsam gêñ samob tonañ ñai gebe gôjam dabuñ

mo me. Bêc tenj, tañ gêjac Apômtaunê matocanô
 ñajam me.

Taên walô launja gêjac Anôtô mataanô ñajam

⁶ “Mêtê anam dabunja, tañ galic ñajam nanj,
 tonec gebe ôngamboac ñaclai sec ñalêpoa su to ôkôc
 mêtôc geo ñagênwapac su. Ôwi lau, tañ kôkôninj nanj
 sinj ma ôpônj gênwapac ñakionj tulu. ⁷ Ônac sam nê
 mo êndênj lau, tañ gênj gêjô êsêac nanj. Ma ôkênj lau
 ñalêlôm sawa to andu masinja sêngônj nê andu.
 Ma embe ôlic lau ôlinj ñaôma, nanj ôkênj ñakwê êndênj
 êsêac ma ôngaminj taôm êndênj taômnêma lau atom.

⁸ “Go nêma ja ñawê oc êpô amboac oc kêtunj tau
 ma nêma gêmâc oc êmbacnê seberj ma nêma binjêdênj
 oc êwê aôm ma Apômtaunê ñawasi oc êndañguc aôm.
⁹ Go embe ômôêc, nanj Apômtau oc êjô aôm awam.
 Embe ôkalem, nanj enj oc êsôm gebe ‘Aê tec gamoa.’
 Êndênj ôkac gênwapac to ôtôc lêmam ma mêtôc geo su
 anja nêma ñalêlôm. ¹⁰ Embe ôkênj mo êndênj lau gênj
 gêjô êsêacnja ma ônam malô êsêac, tañ sêôc gênwapac
 nanj, êndênj tonanj nêma ñawê oc êpô lasê ma nêma
 ñakesec amboac ñawê ocsalônja. ¹¹ Ma Apômtau oc
 êwê aôm tôngej ma êlôm aôm anja gamênj sawa.
 Aômnêma ñatêkwa oc ñajanja êsa ma aôm amboac
 kôm, tañ bu kêmalôm nom ñajam nanj, amboac
 bumata ñakênkênj, nanj bu êpa atomanô. ¹² Nêma lau
 sêkwê malac, tañ popoc wanêcgej su nanj, sa êtiam
 ma ônsunj nêma mimi wakuc nênj ñam sa êtiam. Lau
 oc sêsam aôm gebe ñac, tañ kêbênôc tunbôm ñalasê
 nanj ma kêmasanj andu gebe êngônj êtiam.”

Tajop Sabat ñamoasinj

¹³ Apômtau kêsôm gebe “Embe ôngamiņ amkainj êndêņ om ma ôtulu gêņ êndêņ ȳoc bêc dabuņ atom. Ma embe ôsam sabat tau gebe nêmbêc ôtu samucņa ma ôlic Apômtaunê bêc dabuņ ȳajam ma otoc sa ma ôwi nêmlêņ laņgwa siņ, ônam kôm to ônam kôm awaņa ma biņgalôm agwa-agwa atom, ¹⁴ go ôtap nêmmoasiņ sa aņga Apômtaunê ma aê oc jakêņ aôm ôsêlêņ ômoa nom samuc ȳamoasiņ ȳaôgeņ. Aê oc jakêņ aôm ôwê kaiņ tamam Jakob nê gêņlênsêm. Biņ tonaņ Apômtau kêsôm kêsa awa.”

59:1-21 Propete kêpuc boa launêņ sec ma lau tau sêņô ma seoc nêņ sec lasê. Apômtau kêmasaņ lêņ gebe ênam nê lau sa to gêjac mata gebe ênam êsêac kêsi.

60

Nawasi Sionņa, taņ mênĳesa êtu ȳamu naņ

¹ Ôndi, ȳawê êsa gebe nêml ȳawê mênĳêô lasê su ma Apômtaunê ȳawasi mênĳkêpô aôm.

² Ôlic acgom, ȳakesec gêsas nom auc ma gêsuņbôm gêjam tenterlatu auc, mago Apômtau oc mênĳêpô aôm ma nê ȳawasi oc mênĳênsac aôm ȳaô.

³ Ma tenterlatu oc dêndêņ nêml ȳawê ma kiņ oc dêndêņ ȳawasi, taņ mênĳêpô aôm naņ sêmêņ.

⁴ Ôc matamanô sa ma matam enso ôlic gebe Êsêac samob sêkac tauņ sa ma dêdêņ aôm sêmêņ. Nêml latômi oc sêmêņ aņga gamêņ jaêc ma lau oc sêsip nêml latômio.

⁵ Aôm oc ôlic gêņ tau totêmbêlam aņgeņ

ma nêḡ ḡalêlôm êkac aôm to têtḡtac ḡajam êsa
gebe gwêc ḡaawa totau-totau oc êndêḡ aôm êwac
ma tentenḡlatu oc sêkêḡ nêḡ awamata êndêḡ aôm.

⁶ Kamele taêsam oc sênsaḡ aôm auc
ma kamele ḡalatu sêmêḡ aḡga Midian to Epa.
Lau Seba samob oc sêmêḡ
ma sêkôc gold to gêḡḡmalu sêmêḡ
ma sêsôm Apômḡtaunê wae lasê.

⁷ Êsêac oc sejoḡ domba samob aḡga Kedar sêndêḡ
aôm sêmêḡ
ma domba kapoac aḡga Nebaiot oc sênam sakiḡ
aôm.

Êsêac oc sênsac ḡoc altar têtḡ da ḡajam
ma aê jaḡḡêlôḡ ḡoc andu ḡawasi.

⁸ Asa lau tec sêlôḡ amboac tao
ma amboac moḡḡôm, taḡ sêlôḡ dêdêḡ nêḡ kakai.

⁹ Êsêac sêjac waḡ sa kêtḡ aêḡa
ma lau Tarsis nêḡ waḡ têtḡ ḡamata
gebe sêkôc nêḡ latôḡi aḡga gamêḡ jaêc sêmêḡ
tonêḡ gold ma silbergeḡ
sebe tetoc Apômḡtau, aômḡnêḡ Anôtô
ma Israelnêḡ ḡac dabuḡ sa gebe eḡ kêwaka nêḡ
ḡawasi sa.

¹⁰ “Ma lau jaba oc sêmboḡ nêḡ tuḡbôm sa
ma nêḡ kiḡ oc sênam sakiḡ aôm.
Gebe aê gaḡac aôm kêtḡ têtḡtac ḡandaḡḡa,
mago kêtḡ ḡoc moasiḡḡa tec oc taêc walô aôm.

¹¹ Ma nêḡ katam oc êlêc su êkôgeḡ endenḡ tōḡḡeḡ
êtôm êmbêc to elenḡ oc sênsaḡ auc atom
gebe lau oc sejoḡ tentenḡlatunêḡ awamata dêndêḡ
aôm sêmêḡ

ma nêj kiñ oc sêwê sêmuñ êsêac.

12 Gebe tentenlatu teñ me gamêñ kiñña teñ, tañ ênam sakiñ aôm atom nañ, oc ênaña.

Lau amboac tonañ oc sênaña samucgeñ.

13 Lebanon ñañawasi oc êndêñ aôm êmêñ, kaleloñ to kêmêsic ma kabôêñ amboac tonañgeñ gebe sêngêlôn ñoc lôm dabuñ ñamala ma aê gabe jatoc octapa ñamala sa.

14 Go êsêac, tañ sêkônij aôm nañ, nêñ latuñi oc sewec dêndêñ aôm ma êsêac samob, tañ sêsu aôm susu nañ, oc mênjsêu tañ sênêc aôm amkaiñña ma oc sêsam aôm gebe ‘Apômtaunê malac, Israelnêñ ñac dabuñ nê Sion.’

15 “Lau sêwi aôm siñ to sedec aôm ma lau teñ sêsa nêñ gamêñ atom, mago galoc oc jawaka nêñ waem sa ênêc enden tôngeñ ma lau oc têtac ñajam êtu aômña ênêc teñgeñ ma teñgeñ.

16 Aôm oc ônôm tentenlatunêñ su, kiñnêñ su oc êlôm aôm.

Ma aôm oc ôjala gebe aê Apômtau, aômnêñ kêsawaga ma nêñ gêjamsawaga aê, Jakobnê ñac toñaclai.

17 “Aê oc jakêñ gold êjô ki jonjon ma silber êjô ki jejec ma ki jonjon êjô ka ma ki jejec êjô poc.

Ma jakêñ biñmalô êtu nêñ gejobwaga ma biñgêdêñ êtu nêñ gôliñwaga.

18 Lau sêñô gêñ ñaclai wauc-wauc-geñña anña nêñ gamêñ

to sensen gêḅ su ma sênac gêḅ popoc aḅga nêḅ
 gamêḅ ḅamadîḅ ḅawae êtiam atom.
 Ma aôm ôsam nêḅ tunḅôm gebe Gêḅjam-kêsi
 ma nêḅ sacgêdô gebe Lambîḅ.

19 “Oc oc êkêḅ ḅawê êndêḅ aôm êndêḅ elenḅa êtiam
 atom
 ma ajôḅ ḅawê êpô aôm êndêḅ êmbêc atom amboac
 tonanḅenḅ
 gebe Apômtau oc êtu nêḅ ḅawê tenḅenḅa
 ma nêḅ Anôtô oc êtu nêḅ ḅawasi.

20 Nêḅ oc naêsêp êtiam atom
 ma nêḅ ajôḅ oc naênam tôḅ êtiam atom
 gebe Apômtau oc êtu nêḅ ḅawê tenḅenḅa
 ma nêḅ bêc ôtaḅ taḅiboanḅa oc êmbacnê.

21 Nêḅ lau pebeḅ oc têtû lau gêdêḅ
 ma oc sêwê kainḅ gamêḅ tonec endenḅ tôḅḅenḅ.
 Êsêac oc têtû ḅoc ka, taḅ kasê nanḅ, ḅasêli
 ma ḅoc lemoc ḅakôm ḅanô,
 gebe sêwaka aêḅoc ḅawasi sa.

22 ḅac saunḅ tau oc êtu gôlôac kapôêḅ,
 ma ḅac ḅamu êtu lau-m tonḅaclai.
 Aê Apômtau oc janḅôm binḅ tau ḅanô êsa sebeḅ êndêḅ
 ḅanoc.” *

61

Nawae ḅajam Anôtô ênam Sion kêsiḅa

1 Apômtau Anôtô nê ḅalau kêpi aê gebe Apômtau ḅenḅ
 oso aê
 gebe jasôm ḅawae ḅajam lasê êndêḅ lau ḅalêlôm
 sawa

* **60:22:** Lebanon ḅaḅawasi tau kaseda, taḅ kêkô lôc tau nanḅ.

ma kêsakiŋ aê gebe janac lau ŋalêlôm popoc têntac
tôŋ

ma jasôm lasê êndêŋ lau, taŋ sêŋgôŋ kapoacwalô
naŋ,

gebe sêŋgamboac êsêac su

ma sêlêc katam su êndêŋ lau, taŋ sêsô êsêac tôŋ naŋ.

² Ma jasôm Apômtau ênam lau kêsî ŋajala

ma aêacnêŋ Anôtônê bêc êkac kamocgôcŋa lasê

gebe janac malô lau samob, taŋ sêmoa toŋalêlôm
ŋawapacgeŋ naŋ.

³ Eŋ kêsakiŋ aê gebe jamoasiŋ lau toŋalêlôm
ŋawapac aŋga Sion

to jakêŋ êsêac sêkuc sunsuŋ êjô wao, taŋ gêsac
môkêŋapac naŋ,

ma katêkwi têntac ŋajamŋa êjô nêŋ abec, taŋ sêjam
naŋ,

lambiŋ êjô nêŋ katuŋ popoc

gebe lau sêsam êsêac gebe Ka biŋgêdêŋŋa,

taŋ Apômtau kêsê gebe êwaka ênê ŋawasi sa.

⁴ Êsêac oc sêkwê ŋapopoc laŋgwaanô sa êtiam

ma sêjac gamêŋ, taŋ andanŋeŋ sesen su naŋ sa

ma sêmbênôc malac ŋapopoc

to gamêŋ, taŋ kêtû gasaŋ gêc laŋgwa sec naŋ, e
ŋajam êsa.

⁵ Ma lau jaba oc sejop nêŋ domba,

lau gamêŋbômŋa oc têtû lau sêkac nêŋ nom ôkwiŋa
to sênam nêŋ kôm wainŋa.

⁶ Ma lau oc sêsam amac gebe Apômtaunê
dabuŋwaga

ma sê amac gebe Aêacnêŋ Anôtônê sakiŋwaga.

Tentenlatu samob nêŋ awamata oc êmoasiŋ amac

ma amac anğêlôn taôm ña êsêacnêñ waba tokain-
tokainj.

7 Anôtônê lau têtap binj majenña sa kêlêlêc
ma lau sêgôm êsêac waen sec.

Kêtu tonanña êsêac oc sêwê kainj gamênj êlêlêc su
ma êsêac têntac ñajam ênêc endenj tôngeñ.

8 “Gebe aê Apômtau tau têtac gêwiñ binğêdênj
ma têtac gedec kêjanğowaganênj lêñ alôb-alôb.

Aê oc jakênj êsêacnêñ kôm ñaôli solopgeñ
ma oc jamoatinj poac tengeñña êndênj êsêac.

9 Ma lau samob, tañ sêlic êsêac nanj, oc sêlôc
gebe êsêac lau, tañ Apômtau gêjam mec êsêac nanj
tonec.”

10 Aê oc têtac ñajam samucgeñ êtu Apômtauña
ma ñoc katuc êtu samuc ñoc Anôtô

gebe enj kêkênj aê kasô Apômtau gêjam aê kêsiña kêtu
ñoc ñakwê

ma kêkwa aê auc ña obo binğêdênjña,

kêtôm ñac-gebe-ênam-awêwaga kêkuc nê sunsunj

ma kêtôm awê gebe ênam ñacña gêjam gêlôn tau ña
pocawa.

11 Apômtau Anôtô oc êngôm binğêdênj to lambinj
êpoa êpi tentenlatu samob lanğônêmña,

êtôm nom kêkênj ñakatôm wakuc

ma êtôm kôm kêkênj ñawê, tañ sêsê nanj kêpoa.

62:1-12 Môkêlatu tonec propete kêlambinj Anôtô
gebe ênam nê lau sa êndênj têm ñamuña tenj.

63

Bêc Anôtô êmêtôc lauña

(Anôtô agêc propete sêjam binğalôm sêwiñ taunj)

¹ “Asa tê gêmêñ anğa Edom, gêmêñ anğa malac Bosra tonê ñakwê kêtú koc samucgeñ ma nê obo ñawasi sec ma kêsêlêñ tonñaclaigeñ.”

“Aê, aê tauc tec kasôm biñgêdêñ lasê ma aêñoc ñaclai kapôêñ kêtôm gebe janam lau kêsija.”

² “Nêm ñakwê kêtú koc samucgeñ kêtú asageñña ma nêm obo kêtôm lau-sêka-wain-popocwaga nêñ kêtú asageñña.”

³ “Aê taucgeñ kaka wain popoc, lau teñ sêmoa sêwiñ aê atom. Aê kaka êsêac totêtac ñandangeñ, kaka êsêac gaim taucgeñ totêtac ñandan sec, tec êsêacnêñ dec ñakasi-kasi mênkêpi ñoc ñakwê ma gêjam ñoc obo samob auc. ⁴ Gebe ñoc ñalêlôm taê gêjam bêc jakac kamocgôcña kêtú tônia su ma ñoc jala jakêñ ñagêjônia mêngêô lasê su. ⁵ Aê matoc geso gamêñ, mago katap ñac ênam aê sanja teñ sa atom. Aê katakê gebe ñac êpuc aê tônia teñ gêmoa atom. Tec tauc lemoc kaku ñacjo tulu ma ñoc têtac ñandan kêpuc aê tônia. ⁶ Aê kaka tentenlatu tônia totêtac ñandangeñ ma kamakiñ êsêac popoc totêtac secgeñ ma kakêc êsêacnêñ dec siñ kêsêp nom.”

Anôtônê moasiñ gêdêñ Israel

⁷ Aê oc jalambiñ Apômtaunê têtac gêwiñ tengeñña ma jalambiñ gêñsêga, tañ Apômtau gêgôm gêdêñ aêac nañ.

En kêkêñ nê moasiñ kapôêñ gêdêñ gôlôac Israelña kêtú taê walô êsêacña ma kêtú nê têtac gêwiñ tengeñña.

⁸ En kêsôm gebe “Biññanô, aêñoc lau tonec, ñoc latuci, tañ oc sênsau aê atom nañ.”

Tec eᅇ kētu êsêacnêᅇ kêsîwaga kētu nêᅇ gêᅇwapac samobᅇa.

⁹ Jaenᅇwaga me aᅇela gêᅇjam êsêac kêsî atom, eᅇ tau gêmoa gêᅇwiᅇ êsêac, tec gêᅇjam êsêac kêsî. Eᅇ têtac gêᅇwiᅇ to taê labu êsêac, tec kêsî êsêac su. Eᅇ gêôc êsêac sa mênkêsîp êsêac kêtôm têm lanᅇwa ᅇabêc samob.

¹⁰ Mago êsêac sêli awenᅇ sa ma sêgôm ênê ᅇalau Dabuᅇ têtac ᅇawapac kêsâ. Tec eᅇ kêkac tau ôkwi jakatu nêᅇ ᅇacjo ma tau gêᅇjac siᅇ gêdêᅇ êsêac.

¹¹ Go êsêac taêᅇ gêᅇjam ênê sakiᅇwaga Mose nê têm lanᅇwa.

“ᅇac taᅇ gêᅇwê nê domba ᅇageᅇjobwaga kêᅇpi aᅇga gwêc gêmêᅇ naᅇ, gêmoa ondoc. ᅇac taᅇ kêkêᅇ nê ᅇalau Dabuᅇ kêsêp nêᅇ ᅇalêlôm naᅇ,

¹² to kêkêᅇ nê lêma ᅇawasi jagêᅇwiᅇ Mosenê lêma anôᅇa ma gêᅇwa gwêc kêkôc kētu êsêacᅇa gebe êwaka nê ᅇaê teᅇgeᅇᅇa sa

¹³ to gêᅇwê êsêac sêsêp gwêc ᅇagêᅇdimbob ᅇalêlôm naᅇ ma sêka selelec atom amboac hos, taᅇ kêsêlêᅇ gêmoa gamêᅇ sawa naᅇ, gêmoa ondoc.”

¹⁴ Apômtaunê ᅇalau gêᅇwê êsêac amboac bulimakao sêsêp gaboᅇ sêᅇa gebe sêlêwanᅇ taᅇ.

Aôm gôwê nêm lau amboac tonᅇ gebe ôᅇgôm nêm ᅇaê ᅇawae êsa.

Mec Anôtô taê walô to ênam nê lau saᅇa

¹⁵ Matamanô êsêp aᅇga undambê, aᅇga nêm gamêᅇ dabuᅇ to ᅇawasi ma ôlic.

Nêm ôlim palê to ɲaclai tau ma gôjam awam su taêm walô aêacɲa gêc ondod.

Ôɲgamiɲ taôm atom

¹⁶ gebe aêacma tameni aôm.

Abraham gêjam kauc aêac ma Israel kêjala aêac atom.

O Apômtau, aêacma tameni aôm,

gêdêɲ andanɲen sêsam aôm nêma ɲaê gebe Aêacma kêsiwaga.

¹⁷ O Apômtau, amboac ondod gôgôm aêac aôm aso nêma intêna.

Amboac ondod gôgôm aêacma ɲalêlôm ɲadani kêsa gebe atêc aôm atomɲa nec.

Ômu ômôêɲ êtu nêma sakiɲwaga,

taɲ têtutu nêma gôlôaclênsêma naɲɲa.

¹⁸ Lau alôb-alôb sêjaiɲ nêma lôm dabuɲ

to aêacma ɲacjo sêka nêma gamêɲ dabuɲ popoc kêtutu agenɲa.

¹⁹ Aêac atôm lau, taɲ aôm gôjam gôliɲ êsêac atom naɲ,

ma atôm lau, taɲ sêwê kaiɲ nêma ɲaê atom naɲ. *
lau-sêkawaga nêɲ kôm ɲagêdô sa. Lau saka wain ɲanô e popoc ma ɲatêkwi asa. Propete gêjam

64

¹ Ojae, ôkac undambê êɲgic ma ôsêp ômôêɲmaɲ,

e lôc ɲawiwic êsa êkô aôm laɲôm nêmaɲ,

² amboac ja geɲ gab ma amboac ja gêgôm bu keletoc

gebe êwaka nêma ɲaê sa êndêɲ nêma ɲacjo

* **63:19:** ɲamadiɲ 2 gawa lau, taɲ sejoɲ wain ɲanô sa naɲ, ma

ma êngôm tentenlatu têtênêp sêkô aôm
lanjômnêmña.

³ Aôm gôgôm gêñsêga kain ten, tañ taên gêjam atom
nañ,

ma kôsêp gômôên e lôc ñawiwic kêsa kêkô aôm
lanjômnêmña.

⁴ Lau ten sênô bin amboac tonañ ñatenj gêdênj
gêmunjenj atom

ma kêsô lau ten tañensunj atom

ma lau ten matenjanô sêlic anôtô ten, tañ gêmoa
gêwinj aôm

ma gêjam kôm kêpi êsêac, tañ sêônj en nañ atom.

⁵ Aôm gôwê êsêac, tañ sêgôm gêñ gêdênj

ma taênj gêjam nêm lênj sêmoa nañ.

Aôm têmtac ñandanj gêdênj tañ aêac agôm sec nañ,

ma aêac ali awenj sa gêdênj aôm wanêc-wanêc.

Asa oc ênam sa.

⁶ Aêac samob atôm ñac ñatêmui

ma aêacma kolenj gêdênj samob kêtôm ñakwê ñajec.

Aêac samob atu masê amboac ka ñalauj

ma aêacma sec gêju aêac sa amboac mu gêju ka
ñalauj sa.

⁷ Lau ten awenj gêjac aômnêm ñaê atom

ma lau ten têtac gêboanj gebe sêsap aôm tôñña
atom.

Gebe aôm kôsij lanjômanô gêdênj aêac

ma kôkênj aêac asô tauj ma sec ñañaclai ñalabu.

⁸ Mago aêacma Tamenj aôm, Apômtau.

Aêac atôm nomku ma aôm kôtôm ñac-kêpac-kuwaga.

Aôm lêmam ñakôm ñanô aêac samob.

⁹ O Apômtau, têmtac ñandanj êndênj aêac êlêlêc su
atom

ma taêm ênam aêacma sec endenj tôñgenj atom.

Ôlic ma taêm ênam acgom, aômnêm lau aêac samob.

¹⁰ Nêm malac samob kêtû gamêñ gasañ.

Sion kêtû gasañ ma Jerusalem kêtaên.

¹¹ Êsêac sêkêc aêacma lôm dabuñ ñajam, tañ andanğen tamenmai sêlanem aôm sêmoa nañ, ma sêjac gêñ ñajam samob, tañ têtac gêwiñ nañ poc.

¹² O Apômtau, aôm gobe ôngamiñ taôm êndên aêac ma ônam taôm tôñ to ôkôniñ aêac ñanôgen me.

65

Anôtô kêtañ tañiboa kêtû lau sêkêñ dêmôên enña

¹ Apômtau kêsôm gebe “Aê kasaê êsêac, tañ sêjam mater sa êtu aêña atom nañ, ma kasaê lau, tañ sesom aê atom nañ, gebe têtac aê sa. Aê kasôm gebe ‘Aê tec gamoa, aê tec gamoa’ gêdên lau, tañ awenğ gêjac aê atom. ² Aê kamêtoç lemoc kêtôm bêc samuc gêdên lau sêli tauñ saña, tañ sêsa nêñ lêñ alôb-alôb kêtôm tauñ nêñ kauc taênğ gêjam nañ. ³ Ma sêgôm aê têtac ñandanğ kêsana ñapanğ tomajenğ gêbacgenğ. Êsêac sêkêñ da anğa nêñ kôm ma gêñ malu kêtû daja gêsac poc tiki-tiki, tañ sêpac nañ ñaô. ⁴ Ma sêngônğ gamêñ sêôña ma sêkac tauñ sa gêdênğ gêbêc anğa gamêñ ñakêsiniñ ñagêdô. Ma senğ bôcanô ñamêsôm to gêñ, tañ gajac jao nañ, ñasulu kêpoac nêñ laclu ñalêlôm. ⁵ Êsêac sêsôm gebe ‘Amoa nêm taômña ma mênandamiñ aêac atom gebe aêac lau dabuñ.’ Lau tonanğ têtôm ja daunğ kêtunğ aê lusucsunğ, kêtôm ja kêtunğ aê bêc samuc.”

65:6-16 Anôtô geoc lasê gebe êmêtoç lau sêbuc dêmôên enña ma gêjac mata sêngônğ mater jali

tengeŋ ɲawasi gêdêŋ lau ɲalêlôm ɲaŋêŋ. Biŋ tonan
lulu kêgaluŋ tau aŋga ɲasêbu tonan.

Undambê wakuc to nom wakuc

17 “Alic acgom, aê jakêŋ undambê wakuc to nom
wakuc.

Ma lau oc taêŋ ênam gêŋ andanŋeŋɲa êtiam atom
me oc ênêc nêŋ kauclêlôm êtiam atom.

18 Ma lau oc têtac ɲajam to sênam lasê
êtu gêŋ, taŋ aê jakêŋ naŋɲa.

Gebe alic acgom, aê jakêŋ Jerusalem têtac ɲajam êsa
ma ɲalau têtû samuc.

19 Ma aê oc têtac ɲajam êpi Jerusalem
ma jatu samuc ɲoc lau.

Ma lau sêŋô lau sêpuc taŋiboas sa
ma têtat aŋga malac tau êtiam atom.

20 ɲapalê dedec teŋ oc êmoa bêc luagêcgeŋ aŋga
malac tau ma êmac êndu atom
ma ɲamalacanô oc êmac êndu atom e nê bêc ɲatêku
êsu.

Gebe ɲapaŋ dedec nê jala êtu 100, go êmac êndu
ma teŋ nê jala embe êtôm 100 atom ma êmac êndu,
naŋ lau oc sêsôm gebe Anôtô kêpuc boas eŋ.

21 Ma êsêac oc sêkwê andu sa ma sêŋgôŋ
ma oc sêsê kôm wainɲa ma sêniŋ ɲanô.

22 Êsêac oc sêkwê andu sa ma lau teŋ sêŋgôŋ atom
ma êsêac oc sêsê wain ma lau teŋ sêniŋ atom
gebe ɲoc launêŋ bêc sêŋgôŋ nomɲa oc êtu taêsam
êtôm kabôêŋ ɲabêc,
ma ɲoc lau, taŋ kajaliŋ sa naŋ, oc têtû samuc nêŋ
lemeŋ ɲakôm ɲanô.

23 Êsêac oc sênam kolen ɲaômageŋ atom
ma sêka gôlôac lasê êtu sêôc gêŋwapacɲa atom.

Gebe lau, tañ Apômtau gêjam mec nan, nêñ wakuc
êêac.

Ma êêacnêñ gôlôac oc sêmoa sêwiñ êêac.

²⁴ Êêac awen ênac aê atomgen ma aê jajô êêacnêñ
biñ.

Êêac gocgo sêsôm biñ sêmoa ma aê jakêñ tañoc
êêac.

²⁵ Kêambôm to domba ñalatu oc sêniñ gêñ sêwiñ
tauñ

ma lewe oc sêniñ gêgwan êtôm bulimakao
ma kekop êtu moacnê mo.

Êêac oc sêkêñ ñandan to sensen gêñ anga ñoc lôc
dabuñ atom.

Apômtaunê biñ tau tonec.”

66

*Anôtônê mêtôc to Sionnê moasiñ, tañ gocgo
mêñêsa*

¹ Apômtau kêsôm biñ tonec gebe

“Undambê kêtú ñoc lêpôn
ma nom kêtú ockain ñakademboñ.

Amac abe akwê aêñoc andu amboac ondoc
ma ñoc gamên jalêwan taucña ênêc ondoc.

² Aê lemoc kamasan gêñ samob tonec ñai,
tec gêñ samob tonec kêtú aêñoc gêñ.

Apômtaunê biñ tau tonec.

Mago matoc gê ñac, tañ kékônin tau

ma nê katu ôluñ-ôluñgen to gêjac tênêp aêñoc biñ
nan.”

66:3-24 Ñasêbu ñamuña nec kêkwa Anôtô êmêtôc
lau geo gala, tañ sêsa nêñ lêñ gêjac en mataanô
ñajam atom nanña ma ênam mec lau, tañ têtêc en
to tañen wamu en nanña.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb